

蓋士嘗云東坡之後便到稼軒茲
評甚矣然而比來徐子芳滑雅楊
西菴平熟已有知者近代疎齋媚
嫵如仙女尋春自然笑傲馮海粟
豪辣灑爛不斷古今心事天與
疎翁不可同舌共談關漢卿庾吉
甫造語妖嬌却如小女臨杯使人
不忍對殢僕幼學詞轍知深度如此

年來職史稍、遐頓不能追前數士愧
已澹齋楊朝英選詞百家謂陽春
白雪徵僕爲之引吁陽春白雪久
亡音響評中數士之詞豈非陽春
白雪也耶客有審僕曰適先生所評
未盡選中謂他士何僕曰西山朝來有
爽氣客笑澹齋亦笑酸齋貫雲石序

祕冊

陽春白雪目錄

廷古堂李氏珍藏

前集
藏書
愛日
廬

主
崔
人
谿

卷第一

唱論 燕南芝菴先生撰

大樂

念奴嬌 坡仙

鷓鴣天 晏叔原

春草碧 吳彥高

雨霖鈴 柳耆卿

石州慢 蔡伯堅

蝶戀花

望海潮 鄧干江

摸魚子 辛稼軒

生查子 朱淑真

天仙子 張子野

前目

一

卷第二

小令一

蟾宮曲

庾吉甫二段 姚牧菴一段
鄭德輝一段 奧敦周卿二段
張子友一段 馬九皋一段
徐容齋贈千金 奴一段

趙天錫題金山寺一段
貫酸齋四段

白無咎百字折桂令一段

盧疎齋四段

湘妃怨

盧疎齋西湖四段
馬東籬和前四段
劉時中和前四段

楊澹齋七段
馬九皋集句一段
阿魯威二段

張小山五段

慶東原

白仁甫三段
張小山次馬致遠韻四段

駐馬聽

白仁甫四段

沉醉東風

胡紫山二段
徐子芳贈歌者吹簫二段

馮海粟一段
張小山三段

關漢卿五段

撥不斷

馬東籬十段

清江引

酸齋三段

小山四段

壽陽曲

姚牧菴四段
嚴忠濟一段

無名氏十四段
酸齋五段

東泉一段
疎齋四段

李壽卿一段
馬東籬三十一段

附庾吉甫黃鶯兒套詞二套

卷第三

前目

二

小令二

潘妃曲

左山十九段

大德歌

關漢卿十段

碧玉簫

關漢卿十段

沽美酒

二段

楚天遙

帶過清江引
薛昂夫三段

雁兒落

帶過得勝令
庾吉甫五段

醉高歌

帶過殿前歡
酸齋一段

得勝樂

白仁甫八段

得勝令

張小山一段
景元啓四段
澹齋四段

殿前歡

疎齋八段
酸齋八段
馬九皋六段
張小山五段

劉逋齋三段
阿里耀卿子后凡二段
澹齋和前韻一段

卷弟四

小令三

天淨沙

白仁甫八段
商政叔四段
嚴忠濟一段
張小山五段

小桃紅

楊西菴八段
東籬四公子宅賦四段
澹齋題寫韻軒一段

凭闌人

牧菴七段
小山五段

滿庭芳

牧菴三段
無名氏二段

普天樂

小山二段

前目

紅繡鞋

酸齋三段
無名氏十段

喜春來

小山四段
山坡羊九皋一段

朝天曲

無名氏一段
石昂夫二十二段

醉中天

無名氏四段
錦橙梅無名氏一段

陽春白雪目錄

前集

陽春白雪卷之一

五橋
珍藏

慈谿馮
氏醉經
閣圖籍

青城後學澹齋楊朝英選

唱論 燕南芝菴先生撰

蓋聞古之善唱者三人 韓秦娥 沈古之 石存符
 帝王知音律者五人 唐玄宗 後唐莊宗 南唐
 李後主 宋徽宗 金章宗
 三教所唱各有所尚 道家唱情 僧家唱性 儒
 家唱理

前一

一

大忌鄭衛之淫聲續雅樂之后絲不如竹竹不如肉
 以其近之也又云取來歌裏唱勝向笛中吹
 近世所謂大樂 蘇小小蝶戀花 鄧干江望海潮
 蘇東坡念奴嬌 辛稼軒摸魚子 晏叔原鷓鴣
 天 柳耆卿雨霖鈴 吳彥高春草碧 朱淑真
 生查子 蔡伯堅石州慢 張三影天仙子也
 歌之格調 抑揚頓挫 頂疊垛換 縈紆牽結
 敦拖嗚咽 推題宛轉 搖欠過透
 歌之節奏 停聲 待拍 偷吹 拽捧 字真
 句篤 依腔 貼調

凡歌一聲聲有四節 起末 過度 搵尊 擷落

凡歌一句 聲韻有一聲平一聲背一聲圓 聲要

圓熟腔要徹滿

凡一曲中各有其聲 變聲 敦聲 兀聲 啞聲

因聲

三過聲 有偷氣 取氣 換氣 歇氣 就氣

愛者有一口氣

歌聲變件有慢滾序引 三疊破子 遍子 擷落

實催 全篇 尾聲 有賺煞 隨煞 隔煞

羯煞 本調煞 拐子煞 三殺 七殺

前一

二

成文章曰樂府有尾聲名套數時行小令喚葉兒套
數當有樂府氣味樂府不可似套數街市小令唱

尖歌倩意

凡唱曲之門戶 有小唱 寸唱 慢唱 壇唱

步虛 道情 撒煉 帶煩 瓢教

凡歌曲所唱題目 有曲情 鐵騎 故事 採蓮

擊壤 叩角 結席 添壽 有宮詞 禾詞

花詞 湯詞 酒詞 燈詞 有江景 雪景

夏景 冬景 秋景 春景 有凱歌 棹歌

漁歌 挽歌 楚歌 杵歌

凡歌之所 桃花扇 竹葉簪 柳枝詞 桃葉怨
堯民鼓腹 壯士擊節 牛僮馬僕 閭閻女子
天涯遊客 洞裏仙人 閨中怨女 江邊商婦
場上少年 闌闌優伶 華屋蘭堂 衣冠文會
小樓狹閣 月館風亭 雨窗雪屋 柳外花前
大凡聲音各應于律呂分於六宮十一調共計十七
調宮

仙呂調唱清新綿邈 南呂宮唱感歎傷悲
中呂宮唱高下閃賺 黃鍾宮唱富貴纏綿
正宮唱惆悵雄壯 道宮唱飄逸清幽

前一

三

大石唱風流醞籍 小石唱旖旎嫵媚
高平唱條暢澁漾 般涉唱拾掇坑塹
歌指唱急併虛歇 商角唱悲傷宛轉
雙調唱健悽激裊 商調唱悽愴怨慕
角調唱嗚咽悠揚 宮調唱典雅沈重
越調唱陶笑冷寫
有子母調有孤舊兄弟有字多聲少有字少聲多所
謂一串驪珠也比如仙呂點絳唇大石青杏兒人
喚作殺唱的劄子

有愛唱的有學唱的有能唱的有會唱的有不揭的

不咽有排字兒打截兒放禡兒唱意兒有明禡兒
暗禡兒長禡兒短禡兒碎禡兒

一曲入數調者如啄木兒女冠子拋球樂鬪鶻鶻黃
鶯兒金盞兒類也

凡唱曲有地所 東平唱木蘭花慢 大名唱摸魚

子 南京唱生查子 彰德唱木斛沙 陝西唱

陽關三疊黑漆弩

凡歌之所忌 子弟不唱作家歌 浪子不唱及時

曲 男不唱豔詞 女不唱雄曲 南人不曲北

人不歌

前一

四

凡人聲音不等各有所長 有川礫有堂聲背合破

筭管 有唱得雄壯的失之村沙 唱得蘊找的

失之乜斜 唱得輕巧^的得失之閑賤 唱得本分

的失之老實 唱得用意的失之穿鑿 唱得打

掐的失之本調

凡歌節病 有唱得因的灰的饞的叫的大的有樂

宮聲撒錢聲拽鋸聲貓叫聲不入耳不着人不徹

腔不入調工夫少遍數少步力少官場少字樣訛

文理差無叢林無傳授 噪拗 劣調 落架

漏氣

有唱聲病 散、 焦、 乾、 冽、 啞、
嘍、 尖、 低、 雌、 雄、 短、 慙
慙 濁、 趟、 有格嚟 囊鼻 搖頭 歪
口 合眼 張口 提唇 撇口 昂頭 咳嗽
凡添字節病 則他 兀那 是他家 俺子道
我不見 兀的 不呢 一條了 唇撇了 一
片了 團圓了 破孩了 茄子了
先唱的金門社 押班的無對硃
詞山曲海 千生萬熟 三千小令 四十大曲

前一

五

大樂

念奴嬌

坡仙

大江東去浪淘盡千古風流人物故壘西邊人道是
三國周郎赤壁亂石穿空驚濤拍岸捲起千堆雪江
山如畫一時多少豪傑 遙想公瑾當年小喬初嫁
了雄姿英發羽扇綸巾談笑間檣櫓灰飛烟滅故國
神遊多情應笑我早生華髮人生如夢一尊還酹江
月

商調蝶戀花

妾本錢塘江上住
花落花開不管流
年度燕子啣將
春色去
紗窗幾陳黃梅雨
斜插犀梳雲半吐
檀板輕敲
唱徹黃金縷
望斷綵雲無覓處
夢回明月生南浦

大石調鷓鴣天

晏叔原

采袖殷勤捧玉鍾
當年拚却醉顏紅
舞低楊柳樓心
月歌盡桃花扇底風
從別後
憶相逢
幾回魂夢與

前一

六

君同今宵剩把銀缸照
猶恐相逢是夢中

望海潮

鄧干江

雲雷天塹金湯地
險名藩自古臯蘭營
屯繡錯山形
米聚喉襟
百二秦關
鏖戰血猶殷
看陣雲冷落
時有雕盤靜塞樓頭
曉月依舊玉弓彎

看、定遠西還有元戎
閫令上將齋壇區脫
晝空兜零夕舉甘泉
又報平安吹笛
虎牙閒且宴陪珠履
歌按雲鬟未招英靈
醉魄長繞賀蘭山

春草碧

吳彥高

幾番風雨西城不見海棠紅
梨花白底事勝賞匆、
正是天付酒腸空更笑老東君
人間客 賴有玉管
新番羅襟醉望中倚闌人
如曾識舊夢回首何堪故
苑春光又陳迹落盡后庭花
春艸碧

摸魚子

辛稼軒

更能消幾番風雨匆、春色又歸去
惜春長怕花開
早何況落紅無數春且住
見說道天涯芳艸無歸路
怨春不語算只有殷勤畫簷蛛網盡日惹飛絮
長門事准圖佳期又誤蛾眉曾有人妬
千金欲買相如

前一

七

賦畎、此情誰訴君舞舞君不見玉環飛燕皆塵土
閒愁最苦休去倚危闌斜陽正在煙柳斷腸處

雙調雨霖鈴

柳耆卿

寒蟬淒切對長亭晚驟雨初歇都門暢飲無緒方留
戀處蘭舟催發執手相看泪眼竟無語凝噎念去、
千里烟波莫靄沈、楚天濶 多情自古傷離別更
那堪冷落清秋節今宵酒醉醒何處楊柳岸曉風殘
月此去經年應是良辰好景虛設便縱有千種風情
更與何人說

大石生查子

朱淑真

年、玉鏡臺梅蕊宮粧困今歲未還家怕見江南信
酒從別后疎淚向愁中盡遙想楚雲深人遠天涯
近

石州慢

蔡伯堅

雲海蓬萊風鬟霧鬢不假梳掠仙衣捲盡云霓方見
宮腰纖弱心期何處世間言語非直海犀一點通寥
廓無物比情濃不見無情相縛 離索晚來一枕餘香

前一

八

酒病賴花醫却澁、金尊收拾新愁重酌片帆雲影
載將無際關山夢魂應被楊花覺梅子雨疏、滿江
千樓閣

中吕天仙子

張子野

水調數聲持酒聽午睡醒來愁未醒送春、去幾時
回臨曉鏡傷流景往事悠、空記省 沙上並禽池
上暝雲破月來花弄影重、翠幙密遮燈風不定人
初靜明日落紅應滿徑

一卷終

陽春白雪卷之二

前集

青城後學澹齋楊朝英選

小令

雙調 蟾宮曲 俗名折桂令

庾吉甫二段

環滁秀列諸峯山有名泉瀉出其中泉上危亭僧仙
好事構構成功四景朝莫不同宴酣之樂無窮酒飲

前二

一

千鍾能醉能文太守歐翁

滕王高閣江干佩玉鳴鑿歌舞欄珊畫棟朱簾朝雲
暮雨南浦西山物換星移幾番閣中帝子應笑獨倚
危闌檻外長江東注無還

姚牧庵一段

博山銅細裊香風兩行紗籠燭影搖紅翠袖殷勤捧
金鍾半露春葱唱好是會受用文章巨公綺羅叢醉
眼朦朧夜宴將終十二簾櫳月轉梧桐

鄭德輝一段夢中作

半窗幽夢微茫歌罷錢塘賦罷高唐風入羅幃爽入

疏櫺月照紗窗縹緲見梨花淡粧依稀聞蘭麝餘香
喚起思量怎不思量

奧敦周鄉二段

西山雨退雲收縹緲樓臺隱、汀洲湖水湖烟畫船
欸棹妙舞輕謳埜猿搦丹青畫手沙鷗看皓齒明眸
閨苑神州謝安曾遊更比東山倒大風流
西湖烟水茫、百頃風潭十里荷香宜雨宜晴西施
淡抹濃粧尾、相啣畫舫儘歡聲無日不笙簧春暖
花香歲稔時康真乃上有天堂下有蘇杭

張子友一段

前二

二

畫堂深暖宴初開香靄雕盤燭焰銀臺妙舞輕歌翠
紅鄉十二金釵會受用簪纓貴客笑誰同量捲江淮
祇從安排左右扶策月轉花梢訊馬回來

馬九皋一段

天仙碧玉瓊瑤點、楊花片、鵝毛訪戴歸來尋梅
懶去獨釣無聊一個飲羊羔紅羅煖閣一個凍騎驢
野店溪橋你自評跋那個清高那個粗豪

徐容齋贈千金奴一段

杏桃腮楊柳纖腰占斷他風月排場鸞鳳窩巢宜笑
宜嘖傾國傾城百媚千嬌一個可喜娘身材兒是小

便做天來大福也難消檀板輕敲銀燭高燒萬兩黃金一刻春宵

盍志學一段

陶淵明自不合時采菊東籬爲賦新詩獨對南山泛秋香有酒盈卮一個小顛、彭澤縣兒五斗米嬾折要肢樂以琴書暢會尋思萬古流傳賦歸去來辭

趙天瀘題金山寺一段

長江浩、西來水面雲山、上樓臺山水相輝樓臺相映天與安排詩句就雲山動色酒盃傾天地心懷醉眼掙開遙望蓬萊一半烟遮一半雲埋

前二

三

劉太保四段

盼和風春雨如膏花發南枝北岸冰消夭桃似火楊柳如烟穰、桑條初出谷黃鶯弄巧怎啣泥燕子尋巢宴賞東郊杜甫遊春散誕逍遙 炎天地熱如燒散髮披襟紈扇輕搖積雪敲冰沉李浮瓜不用百尺樓高避暑涼亭靜掃樹陰稠綠波池沼流水溪橋右軍觀鶯散誕逍遙 梧桐一葉初凋菊綻東籬佳節登高金風颭、寒鴈呀、促織叨、滿目黃花衰草一川紅葉飄、秋景蕭、賞菊陶潛散誕逍遙 朔風瑞雪飄、煖閣紅爐酒泛羊羔如飛柳絮似舞蝴

蝶亂剪鷺毛銀砌就樓臺殿閣粉粧成野外荒郊冬
景寂寥浩然踏雪散誕逍遙

貫酸齋四段

竹風過雨新香錦瑟朱弦亂錯宮商樵管驚秋漁歌
唱晚淡月疎篁準備了今宵樂章怎行雲不住高唐
日外秋江意外風光環佩空歸分付下淒涼 相逢
忘却余咱夢隔行雲儘好詩誇江上人歸宮中粉淡
明月無涯從別却西湖酒家遇逋翁便屬仙葩襪重
霜華春色交加夜半相思香透幽紗 向胸中誰有
西湖算詩酒東坡清淡林逋月枕水痕露凝荷泪夢

前二

四

斷雲裾桂子冷香仍月古是嫦娥壓倦粧梳春景扶
疎秋色模糊若比西施西子如何 凌波晚步晴烟
太華雲高天外無天翠羽搖風寒珠泣露總解留連
明月冷亭、玉蓮蕩輕香散滿湖船人已如仙花正
堪憐酒滿金尊詩滿鸞箋

阿魯威十六段阿魯威字叔重號東泉蒙

古氏南劍太守語作經筵官前九首以

楚辭九歌品成

東皇太乙穆將愉兮太乙東皇佩蛟服菲服菲劍佩
琳琅玉瑱瓊兮蒸肴蘭藉桂酒椒漿揚枹鼓安歌若

倡紛五音兮琴瑟笙簧日吉辰良繁會祔、既樂而
康雲中君望雲中帝服皇、快龍駕翩、遠舉周章
霞佩繽紛雲旗晻靄衣采華芳靈連捲兮昭、未央
降壽宮兮沐浴蘭湯先我鸞章後屬飛簾捻轡扶桑
湘君問湘君何處翱遊怎弭節江皋江水東流薛
荔芙蓉涔陽極浦杜若芳洲駕飛龍兮蘭旌蕙綢君
不行兮何故夷猶玉珮誰留步馬椒丘忍別靈脩
湘夫人促江皋騰駕朝馳幸帝子來遊孔蓋雲旗眇
眇秋風洞庭木葉盼望佳期靈剡、兮空山九嶷澧
有蘭兮流芷菲、行折瓊枝發勒蒼梧飲馬咸池

前二

五

大司命令飄風凍雨清塵開閭闔天門假道天津千
乘回翔龍旗丹、鸞駕鱗、結桂椒兮乘雲並迎問
人間兮壽夭莫馮除却靈均蘭珮荷衣誰製誰紉
少司命正秋蘭九畹芳菲共堂下靡蕪綠葉留萋趁
駕回風逍遙雲際翡翠爲旗悲莫悲兮君遠將離樂
莫樂兮與女新知一掃氛霓晞髮陽阿洗劍天池
東君望朝暾將出東方便撫馬安驅攬輿轡高翔交
鼓吹竽鳴號絙瑟會舞霓裳布瑤席兮聊斟桂漿聽
鏘、兮丹鳳鳴陽直上空桑持矢摻弧仰射天狼
河伯激王侯四起衝風望魚屋鱗、貝闕珠宮兩駕

驂螭柱旗荷蓋浩蕩西東試回首崑崙道中向江
臯兮誰集芙蓉喚起豐隆先逐鼉鼉後馭蛟龍
山鬼若有人兮含睇山幽乘赤豹文狸窈窕周流渺
、愁雲冥、零雨誰與同流采三秀兮吾令蹇脩悵
宓妃兮要眇難求猿夜啾、風水蕭、公子離憂

鷗夷後那個清閒誰愛兩笠烟蓑七里嚴灘除却巢
由更無人到潁水箕山歎落日孤鴻往還笑桃源洞
口誰關試問劉郎幾度花開幾度花殘 問人間誰
是英雄有釃酒臨江橫槊曹公紫蓋黃旗多應借得

前二

六

赤壁東風更驚起南陽卧龍便成名八陣圖中鼎足
三分一分西蜀一分江東 正春風楊柳依、聽徹
玉關分袂東西看取尊前留人燕語送客花飛謾勞
動空山子規一聲、猶勸云歸後夜相思明月烟波
一舸鷗夷 動高吟楚客秋風故國山河水落江空
斷送離愁江南烟雨杳、孤鴻依舊向邯鄲道中問
居胥今有誰封何日論文渭北春天日莫江東 理
征衣鞍馬匆、又在關山鷓鴣聲中三疊陽關一杯
魯酒逆旅新豐看五陵無樹起風笑長安却誤英雄
雲樹濛、春水東流有似愁濃 爛羊頭誰羨封侯

斗酒篇詩也自風流過隙光陰塵埃野馬不障閑鷗
離汗漫飄蓬九有向壺山小隱三秋歸賦登樓白髮
蕭々老我南州 任乾坤浩蕩沙鷗酤酒尋魚赤壁
磯頭鐵笛橫吹穿雲裂石草木炎州信甲子題詩五
柳算庚寅合賦三秋渺、予愁自古佳人不遇靈脩

盧疎齋四段

碧波中范蠡乘舟帶酒簪花樂以忘憂蕩、悠、點
秋江白鷺沙鷗急棹不過黃蘆岸白蘋渡口且灣住
綠楊堤紅蓼灘頭醉時方休醒時扶頭傲煞人間伯
子公侯 想人生七十猶稀百歲光陰先過了卅七

前二

七

十年間十歲玩童十載尫羸五十歲除分盡黑剛分
得一半兒白日風雨相催兔走烏飛子細沈吟都不
如快活了便宜 奴耕婢織生涯門前栽柳院後桑
麻有客來波清泉自煮芽茶稚子謙和禮法山妻軟
弱賢達守着些實善鄰家無是無非問甚麼富貴榮
華 沙三伴哥來啖有腿青泥只爲撈蝦大公庄上
楊柳陰中磕破西瓜小二哥音涎刺塔碌軸上滄着
個琵琶看蕎麥開花綠豆生芽無是無非快活煞庄
家

白無咎百字折桂令一段

弊裘塵土 征鞍鞭倦裊蘆花弓劍蕭、一逕入烟霞
霞動羈懷西風木葉秋水蒹葭千點萬點老樹昏鴉
三行兩行寫長空啞、鴈落平沙曲岸西邊近水灣
魚網綸竿釣槎斷橋東壁傍溪山竹籬茅舍人家滿
山滿谷紅葉黃花正是傷感淒涼時候離人又在天涯

張小山五段

劍空彈月下高歌說到知音自古無多白髮蕭疎青
燈寂寞老子婆娑故紙上前賢坎坷醉鄉中壯士磨
酌富貴由他謾想廉頗誰効蕭何 滄浪可以濯纓

前二

八

嘆千里波、兩鬢星、遁迹林泉甘心畎畝絕念功名
青門外耘瓜邵平白雲邊垂釣嚴陵潮落沙汀月
轉林垆午醉方醒 剔殘燈數盡寒更自別了鶯、
誰更卿、竹影疎檣蛩聲廢井桂子閒庭掩泪眼羞
看畫屏瘦人兒不似丹青盼殺多情遠信休憑好夢
難成 菊花枝還爲誰黃數盡歸期過了重陽錦字
傳情瓊簪留恨綉枕遺香夜月冷金釵鳳凰曉霜寒
翠被鴛鴦想像高唐縈損柔腸夢見才郎 對青山
強整烏紗歸雁橫秋倦客思家翠袖殷勤金盃錯落
玉手琵琶人老去西風白髮蝶愁來明日黃花回首

天涯一抹斜陽數點寒雅

雙調湘妃怨 俗名水仙子

盧疎齋西湖四段

湖山佳處那些兒恰到輕寒微雨時東風懶倦催春
事嗔垂楊裊綠絲海棠花偷抹胭脂任吳岫眉尖恨
厭錢塘江上詞是個妬色的西施 朱簾畫舫那人
兒林影荷香雨霽時尊前歌舞多才思紫雲英瓊樹
枝對波光山色參差切香脆江瑤繪擘輕紅新荔枝
是個好客的西施 蘇堤鞭影半痕兒常記吳山月

前二

九

上時閒尋靈鷲西岩寺冷泉亭偏費詩看烟鬟塵外
丰姿染絳綃裁霜葉釀清香飄桂子是個百巧的西
施 梅梢雪霽月芽兒點破湖烟雪落時朝來亭樹
瓊瑤似笑漁簑學鷺鷥照歌臺玉鏡冰姿誰儂倦鷗
夷子也新添兩鬢絲是個淡淨的西施

馬東籬和前四段

春風驕馬五陵兒暖日西湖三月時管絃觸水鶯花
市不知音不到此宜歌宜酒宜詩山過雨顰眉黛柳
拖烟堆鬢絲可戲殺睡足的西施 採蓮湖上畫船
兒垂釣灘頭白鷺鷥雨中樓閣烟中寺笑王維作畫

師蓬萊倒影參差薰風來至荷香淨時清潔殺避暑
的西施 金卮滿勸莫推辭已是黃柑紫蠟時鴛鴦
不管傷心事便白頭湖上死愛園林一抹胭脂霜落
在丹楓上冰飄着紅葉兒風流煞帶酒的西施 人
家籬落酒旗兒雪壓寒梅老樹枝吟詩未穩推敲字
爲西湖撚斷髭恨東坡對雪無詩休道是蘇學士韓
退之難粧煞傅粉的西施

劉時中和前四段時中號適齋翰林學士

湖山亭下鬧竿兒爛醉韶華三月時曉來風雨催春
事把鶯花攔斷死映蘇堤紅翠參差淺絳雪絨桃萼

前二

十

嫩黃金搓柳絲風流殺鬪草西施 蝦鬚簾捲水亭
兒玉枕桃笙夢覺時荷香勾引清風至掬青蓮雪藕
絲嫩涼生碧月瓊芝鸞刀切銀絲鱠蟻香浮碧玉卮
受用煞避暑西施 西風吹入耍窓兒一扇新涼暑
退時白蘋紅蓼多情思寫秋光無限詩占平湖一抹
胭脂荷缺翠青搖柄桂飄香金墜枝快活煞玩月西
施 梅花初試膽瓶兒正是逋郎得句時彤雲把斷
山中寺軟紅塵不到此玉模糊老樹參差侵素體添
肌粟妬雲鬟老鬢絲清、煞賞雪西施

阿魯威二段

楚天空濶楚天長一度懷人一斷腸此心只在肩輿
上倩乘風過武昌助離愁烟水茫、竹上雨湘妃泪
樹中禽蜀帝王無限思量 夜來雨橫與風狂斷送
西園滿地香曉來蜂蝶空遊蕩苦難尋紅錦粧問東
君歸計何忙儘叫得鶉聲碎却教人空斷腸漫勞動
送客垂楊

馬九皋集句一段

幾年無事傍江湖醉倒黃公舊酒壚人間縱有傷心
處也不到劉伶墳上土醉鄉中不辨賢愚對風流人
物看江山畫圖便醉倒如何

前二

十一

張小山五段

璽黃舊紙試銀鉤蟻綠新篔泛玉舟龍香古餅熏金
獸薔薇小院幽春光爲我遲留東里尋芳去西園秉
燭遊醉倚南樓 西山暮雨暗蒼烟南浦春風艤畫
船水流雲去人空戀傷心思去年可憐景物依然海
棠鸚鵡巖花杜鵑楊柳秋千 相思詩句滿苔牆合
唱歌聲靜錦堂合懽裙帶閒羅帳無言倚繡床怎生
人不成雙花閒翡翠釵頭鳳皇梅子鴛鴦 山花紅
雨鷓鴣啼院柳蒼雲燕子飛池萍綠水鴛鴦睡春殘
猶未歸掩粧臺嬾畫蛾眉綉床人困玉關夢回錦字

書遲

紅指甲玉纖彈淚血痕封丹髓調酥鶴頂濃金爐
火香雲動風流千萬種捻胭脂嬌暈重、拂海棠梢
頭露按桃花扇底風托香腮數點殘紅

楊澹齋七段

依山傍水蓋茅齋旋買奇花賃地栽深耕淺種無災
害學劉伶死便埋促光陰曉角時牌新酒在槽頭醉
活魚向湖上買算天公自有安排 雪晴天地一冰
壺竟往西湖探老逋騎驢踏雪溪橋路笑王維作畫
圖揀梅花多處提壺對酒看花笑無錢當劍沽對酒

前二

十二

在西湖 壽陽宮額得魁名南浦西湖分外清橫斜
疏影窓間映惹詩人說到今萬花中先綻瓊英自古
詩人愛騎驢踏雪尋忍凍在前村 閒時高卧醉時
哦守己安貧好快活杏花村裏隨緣過勝堯夫安樂
窩任賢愚後代如何失名利痴呆漢得清閑誰似我
一任它門外風波 六神和會自安然一日清閑自
在仙浮雲富貴無心戀蓋茅庵近水邊有梅蘭竹石
蕭然趁村叟雞豚社隨鬪牛兒沽酒錢直喫到月墜
西邊 黃金散盡學風流學得風流兩鬢秋咲煞那
看錢奴枉了干生受我覷榮華似水上漚則不如趁

中年散誕優游斟綠酒低、的勸殢紅粧慢、的謳
醉時節錦被裏舒頭 燈花占信又無功鵲報佳音
耳過風綉衾溫暖和誰共隔雲山千萬重因此上慘
綠愁紅不付能博得分團圓夢夢來時又撲個空杜
鵲聲又過墻東

雙調慶東原

白仁甫三段

忘憂艸含笑花勸君及早冠宜掛那里也能言陸賈
那里也良謀子牙那裡也豪氣張華千古是非心一

前二

十三

夕漁樵話

黃金縷碧玉簫溫柔鄉裏尋常到青春過了朱顏漸
老白髮彫騷則待強簪花又恐傍人笑
暖日宜乘轎春風宜迅馬恰寒食有二百處秋千架
對人嬌杏花撲人飛柳花迎人笑桃花來往畫船邊
招颭青旗掛

張小山次馬致遠韻四段

殺三士因二桃不如五柳庄前傲文魔賈島詩窮孟
郊酒困山濤他得志笑閒人他失脚閒人笑 詩情
放劍氣英雄不把窮通較江中斬蛟雲間射鵬席

上揮毫它得志笑閒人他失脚閒人笑 難開眼嬾
折要白雲不應蒲輪召解組漢朝尋詩灞橋策杖臨
臯佗得志笑閒人他失脚閒人笑 依山洞結把茅
清風兩袖長舒嘯問江邊老樵訪山中故交伴雲外
孤雀它得志笑閒人他失脚閒人笑

雙調駐馬聽

白仁甫四段

吹

裂石穿雲玉管宜橫清更潔雪天沙漠鷓鴣風裏欲

前二

十四

偏斜鳳皇臺上莫雲遮梅華驚作黃昏雪人靜也一
聲吹落江樓月

彈

雪調冰弦十指纖、溫更柔林鶯山溜夜深風雨落
弦頭蘆花岸上對蘭舟哀弦恰似愁人消瘦泪盈眸
江州司馬別離後

歌

白雪陽春一曲西風幾斷腸花朝月夜個中惟有杜
韋娘前聲起徹杜韋^{遠危}梁後聲竝至銀河上韻悠揚小
樓一夜雲來往

舞

鳳髻蟠空孌娜要肢溫更柔輕衫蓮步漢宮飛燕舊
風流謾催鼉鼓品梁州鷓鴣飛起春羅袖錦纏頭劉
郎錯認風前柳

雙調 沉醉東風

胡紫山二段

月底花間酒壺水邊林下茅廬避虎狼盟鷗鷺是個
識字的漁夫衰笠綸竿釣今古一任他斜風細雨
漁得魚心滿願足樵得樵眼笑眉舒一個罷了釣竿

前二

十五

一個收了斤斧泉石偶然相遇是兩個不識字漁樵
士大夫他兩個笑加、的談今論古

徐子芳贈歌者吹簫二段

金鳳小斜簪髻雲似櫻桃一點朱唇秋水清春山恨
引青鸞玉簫聲韻莫不是另得東君一種春既不呵
紫竹上重生玉笋 御食飽清茶漱口錦衣穿翠袖
梳頭有幾個省部交朝廷友尊席上玉盞金甌封却
公男伯子侯也強如不識字烟波釣叟

馮海粟一段

緣結來生淨果從它半世蹉跎冷淡交唯三個除此

外更誰插破減着些少添着呵便覺多明月清風共
我

關漢卿五段

咫尺的天南地北霎時間月缺花飛手執着錢行盃
眼閣着別離淚剛則道得聲保重將息痛煞教人捨
不得好去者望前程萬里 憂則憂驚孤鳳單愁則
愁月缺花殘爲則爲俏冤家害則害誰曾慣瘦則瘦
不似今番恨則恨孤幃綉衾寒怕則怕黃昏到晚
伴夜月銀箏鳳間暖東風繡被常慳信沈了魚書絕
了雁盼雕鞍萬水千山本利對相思若不還則告與

前二

十六

那能索債愁眉泪眼 夜月青樓鳳簫春風翠髻金
翹雨雲濃心腸俏俊龐兒玉軟香嬌六幅湘裙一搦
腰間別來十分瘦了 面比花枝解語眉橫柳葉長
疎想着雨和雲朝還莫但開口只是長吁紙鷁兒休
將人廝應付肯不肯懷兒裏便許

張小山三段

脚到處青山綠水興來時白酒黃雞遠是非絕名利
腹便、午牕酣睡鸚鵡杯中晝日遲到強似麒麟畫
裡 笑白髮猶纏利鎖喜紅塵不到漁簑八詠詩三
閨些收拾下晚春工課茅舍疎籬小過活有情分沙

鷗伴我

貂裘敝誰憐倦客錦牋寒難寫秋懷野水邊聞雲外
儘教他鷗鷺驚猜溪上良田得數頃來也敢上嚴陵
釣臺咏釣臺

雙調撥不斷

馬東籬十段

九重天二十年龍樓鳳閣都曾見綠水青山任自然
舊時王謝堂前燕再不復海棠庭院 歎寒儒謾讀
書、須索題橋柱題柱雖乘駟馬車乘車誰買長

前二

十七

門賦且看了長安回去路 路旁碑不知誰春苔綠滿
無人祭畢卓生前酒一盃曹公身後墳三尺不如醒
了還醉 怨離別恨離別君知君恨君休惹紅日如
奔過隙駒白頭漸滿生花雪一日今渭城官舍 孟
襄陽興何狂凍騎驢灞陵橋上便縱有些梅花入夢
香到不如風雪銷金帳慢、的淺斟低唱 笑陶家
雪烹茶就鵝毛瑞雪初成臘見蝶翅寒梅正有花怕
羊羔美酒新添價拖得人冷齋裏閒話 菊花開正
歸來伴虎溪僧鶴林友龍山客似杜工部陶淵明李
太白洞庭柑東陽酒西湖鱉哎楚三閭休怪 淞江

亭看潮生潮來潮去元無定惟有西山萬古青子陵
一釣多高興鬧中取靜 酒盃深故人心相逢只莫
推辭飲君若歌時我慢斟屈原沈死由佗恁醉和醒
爭甚 瘦形骸悶情懷丹楓醉倒秋山色黃菊彫殘
戲馬臺白衣盼殺東籬客你莫不子猷訪戴

雙調清江引

酸齋三段

棄微名去來心快哉一笑白雲外知音三五人痛飲
何妨碍醉袍袖舞嫌天地窄 競功名有如車下坡

前二

十八

驚險誰參破昨日玉堂臣今日遭殘禍爭如我避風
波走在安樂窩 避風波走在安樂窩就里乾坤大
醒了醉還醒卧了重還卧似這般得清閒的誰似我

小山四段

杜鵑幾聲烟樹暖風雨相攏斷梨花月未圓柳絮春
將半夜長可憐歸夢短
繡鍼嬾拈閒素手倦枕金又溜鶯呼綠柳春燕舞紅
簾畫東風院落人病酒
西風又吹湖上柳畫舫攜紅袖鷗眠野水閒蝶舞秋
花瘦風流醉翁不在酒

門前好山雲占了盡日無人到松風響翠濤榭葉燒
丹竈先生醉眠春自老

雙調壽陽曲 俗名落梅風

姚牧庵四段

酒可紅雙頰愁能白二毛對尊前儘可開懷抱天若
有情天亦老且休教少年知道 紅顏褪綠鬢凋酒
席坐漸疎了歡笑風流近來都忘了誰信道也曾年
少 襄王夢神女情多般兒釀成愁病琵琶慢調絃
上聲相思字越彈着不應 貴妃親擊硯力士與脫

前二

十九

靴御調羹就飡不謝醉模糊將嚇蠻書便寫、着甚
楊柳岸曉風殘月咏李白

無名氏十四段

胡來得賽熱莽得極明、的抱著虎睡惱番小姐搵
了面皮兒丈人來怎生回避 全無思娘意却有愛
女心不似您魯秋胡忒恁見個采桑婦人與了一錠
金你見那姓白的牡丹使甚 酒醒後離書舍沈醉
也上釣舟捧金鍾把月娥等候廣寒宮王蟾撈不在
手水晶宮却和龍鬪 逢著的嚙撞著的撐不似您
秀才每水性向娉婷謁漿到十數升乾相思變做了

渴證○祆廟內盼艷冶不覺的怪風火烈把才郎沈
腰燒了半截誰似你做來特熱○一個諸般韻一
個百事通小書生玉人情重三更燭滅黑洞、你道
是不曾時說夢 一個單身漢一個寡婦人夜深沉
洞房隨順放入來你却守定門這言語好難准信
誑楚霸成漢業鸞輦祿盡衣絕一把火焚燒得煙焰
烈楚重瞳待你不熱 金釵墜雲髻斜歌舞罷綵雲
消滅今宵酒醒何處也楊柳岸曉風殘月 別離恨
心受苦他知是幾時完聚泪點兒多如秋夜雨煩惱
似孝經起序 羞花貌閉月容恰相逢使人心動嬌

前二

二十

的、可人風韻種也消得俺惜花人團弄○裝呵欠
把長吁來應推眼疼把珠泪掩佯咳嗽口兒里作念
將他諱名兒再三不住的啞思量煞小卿也雙漸、
盃擎玉泪閣珠心間事盡情兒傾訴似梨花一枝春
帶雨怕東君儼然辜負○幃屏靠珊枕欵泪和愁釀
成春睡綉簾不教高掛起怕鶯花笑人憔悴

嚴忠濟一段

三閭些伍子歌利名場幾人參破算來都不如藍采
和被透幾文錢把這小兒瞞過

酸齋五段

擔春盛問酒家綠楊陰似開圖畫下秋千玉容強似
花汗溶、透入羅帕 松杉翠茉莉香步回廊老仙
策杖月明中晚風寶殿涼玉池深藕花千丈 魚吹
浪鴈落沙倚吳山翠屏高挂看江潮鼓聲千萬家捲
朱簾玉人如畫○新詩句濁酒壺罇人閒不知春去
家童柳邊閒釣魚趁殘紅滿江鷗鷺○新秋至人乍
別順長江水流殘月悠、畫船東去也這思量起頭
兒一夜

東泉一段

千年調一旦空惟有紙錢灰晚風吹送儘蜀鵑血啼

前二

二十一

煙樹中喚不回一場春夢

李壽卿一段

金刀利錦鯉肥更那堪玉葱纖細添得醋來風韻美
試嘗道甚生滋味

疎齋四段

銀臺燭金獸煙夜方闌畫堂開宴管絃停玉盃斟較
淺聽春風過雲歌遍 金蕉葉銀萼花捲長江酒盃
低亞醉書生且休扶上馬聽春風玉簫吹罷 詩難
詠畫怎描欠漁翁玉蓑獨釣低唱淺斟金帳曉勝烹
茶党家風調 攢江酒味轉佳刻春宵古今無價約

尋盟綠楊中間繫馬醉春風碧紗窓下

馬東籬三十一段

山市晴嵐花村外草店西晚霞明雨收天霽四圍山
一竿殘照裏錦屏風又添鋪翠○遠浦帆歸夕陽下
酒旆間兩三航未曾着岸落花水香茅舍晚斷橋頭
賣魚人散平沙落鴈南傳信北寄書半栖近岸花汀
樹似鴛鴦失群迷伴侶兩三行海門斜去 瀟湘夜
雨漁燭暗客夢回一聲、滴人心碎孤舟五更家萬
里是離人幾行情淚 烟寺晚鍾寒煙細古寺清近
黃昏禮佛人靜順西風晚鍾三四聲怎生教老僧禪

前二

二十二

定 漁村夕照鳴榔罷閃暮光綠楊堤數聲漁唱掛
柴門幾家閑罨網都撮在捕魚圖上○江天暮雪天
將暮雪亂舞半梅花半飄柳絮江上晚來堪畫處釣
魚人一簑歸去○洞庭秋月蘆花謝客乍別泛蟾光
小舟一葉豫章城故人來也結束了洞庭秋月
春將暮花漸無春催得落花無數春歸時寂寞景物
疎武陵人恨春歸去 一陣風一陣雨滿城中落花
飛絮紗窓外驀然聞杜宇一聲、喚回春去 雲籠
月風弄雨兩般兒助人凄切剔銀燈欲將心事寫長
吁氣一聲吹滅 磨龍墨染免毫倩花箋欲傳音耗

真寫到半張却帶草敘寒溫不知個顛倒 從別後
音信絕薄情種害煞人也逢一個見一個因話說不
信你耳輪兒不熱 從別後音信杳夢兒里也曾來到
問人知行到一萬遭不信你眼皮兒不跳 心間事
說與它動不動早言兩罷罷字兒磣可、你道是要
我心裏怕那不怕○人初靜月正明紗窗外玉梅斜
映梅花笑人休弄影月沉時一般孤另 人千里愁
萬縷望不斷野煙汀樹一會加心上來沒是處恨不
得待跨鸞歸去 研香汗展素紙蘸霜毫略傳心事
和淚謹封斷玉詞小書生再三傳示 實心兒待休

前二

二十三

做謊話兒猜不信道爲誰曾害 時節有誰曾見來
瞞不過主腰胸帶 江梅態桃杏腮嬌滴、海棠顏
色金蓮肯分送半折瘦厭、柳腰一捻○思今日想
去年依舊綠楊庭院桃花嫣然三月天只不見去年
人面 蝶慵戲鶯倦啼方是困人天氣莫怪落花吹
不起珠簾外晚風無力 他心罷咱便捨空擔着這
場風月一鍋滾水冷定也再攬紅幾時得熱 相思
病怎地醫只除是有情人調理相偎相抱胗脈息不
服藥自然員備○心窩兒興妳隴兒情低、的啞聲
相應舌尖抵着牙縫冷半晌兒使的成病 香羅帶

玉鏡臺對粧奩懶施眉黛落紅滿階愁似海問東君
故人安在 青紗帳白象床晚涼生月輪初上誰家
玉簫吹鳳凰教斷腸人越添惆悵 如年夜人乍別
角聲寒玉梅驚謝夢回酒醒燈盡也對着冷清、半
窓殘月 薔薇露荷葉雨菊花霜冷香庭戶梅梢月
斜人影孤恨薄情四時辜負 琴愁慘香倦燒盼春
來不知春到日長也小窓前睡着賣花聲把人驚覺
因它害染病疾相識每勸咱是好意相識若知咱
就里和相識也一般憔悴

前二

二十四

商角調 黃鶯兒

庚吉甫二段

懷古、、廢興兩字干戈幾度問當時富貴誰家陳
宮後主踏莎行 殘照底西風老樹據秦淮終是帝
王都愛山圍水遶龍盤虎踞依稀覩六朝風物 蓋天
旗光陰迅速多半晴天變雨待揀搭溪山好處吞一
盃噓數曲身有歡娛事無榮辱 垂絲釣 引一僕
着兩壺謝老東山黃花時好去適意林泉遊未足
煙波暮堪凝竚謫仙詩句尾一線寄烏衣二水

分白鷺臺上鳳凰遊
井口胭脂污想玉樹後庭花
好金陵建康府

懷古、、物換千年星移幾度想當時
帝子元嬰閻公都督踏莎行
彩射龍光雲埋鐵柱迷津煙暗
渡水平湖高士祠堂旌陽殿
宇洪恩路藕花無數
蓋天旗 殘碑秋雨留傳王郎佳句
訊步攜筇登臨閒竚雁驚寒
衡陽浦秋水長天落霞孤鷺應天
長 東接吳南甸楚 塢荒村蒼烟古木
俯挹遙岑傷未足夕陽暮空無語
背人何處 尾 孤塔插晴空
高閣臨江渚棟飛南浦雲簾捲
西山雨觀勝

前二

二十五

槩壯江山歎鳴鑿罷歌舞

右二段附二卷末

樂府陽春白雪卷之二

前集

樂府陽春白雪卷之三

雙調潘妃曲 即步：嬌

左山十九段

綠柳青、和風蕩桃李爭先放紫燕忙隊、啣泥戲
雕梁柳絲黃堪畫在幃屏上 悶向危樓凝眸望翠
蓋紅蓮放夏日長萱草榴花競芬芳碧紗窓堪畫在
幃屏上 敗柳殘荷金風蕩寒鴈聲嘹亮閑盼望紅

前三

一

葉皆因昨夜霜菊金黃堪畫在幃屏上 暖閣偏宜
低、唱共飲羊羔釀宜醉賞宜醉賞臘梅香雪飛揚
堪畫在幃屏上
小、鞋兒連根繡纏得幫兒瘦腰似柳欵撒金蓮懶
擡頭那孩兒見人羞推把袂兒扣 小、鞋兒白脚
帶纏得堪人愛疾快來瞞着爹娘做些兒怪你罵喫
敲才百忙裏解花裙兒帶 冷、清、人寂靜斜把
絞綃凭和泪聽驀聽得門外地皮兒鳴則道是多情
却元來翠竹把紗窓映 帶月披星耽驚怕久立紗
窓下等候他驀聽得門外地皮兒踏則道是冤家元

來風動茶蘼架 月缺花殘人憔悴
冷落了鴛鴦被 望天涯人未歸
滿目殘霞景淒淒 塞鴻稀有信憑誰
寄 早是離愁添秋興 那堪鏡破金釵
另懶將雲髻 整哭啼 淚盈 照得鏡兒
明羞覩我臉上相思病 腸斷關山
傳情字無限 傷春事 因他憔悴死
只怕 旁人問着時 口兒裏強推辭
怎瞞得唐裙袿 目斷 粧樓夕陽外
鬼病厭 害恨萬該止 不過淚滿早蓮
腮 罵你個不良才 莫不少下你相思債
可意娘龐 兒誰曾見臉襯桃花片
貼金鈿似月裏嫦娥墜雲軒 玉天仙
醉離了蟠桃宴 悶酒將來剛 嚙欲飲先

前三

二

澆莫頻祝願 普天下心廝愛 早團圓
謝神天教俺也 頻 的勤相見 金縷唐裙
鴛鴦結 偏趁些娘撒包 髻金釵翠荷葉
玉梳斜似雲吐 初生月 一點青燈 人
千里錦字憑誰寄 雁來稀 花落東君也
憔悴投至 望君回滴盡多少關山淚
寶髻高盤堆雲霧 釵插 荆山玉離洛浦
天仙美貌出塵俗 更通疏 沒半點兒
包彈處 煞是你個冤家 勞合重 今夜裏
效鸞鳳多情 可意種 緊把纖腰貼酥胸
正是兩情濃 笑冷 吐丁香送 只恐怕
窓間人瞧見 短命休寒賤 直恁 地
脫膝軟 禁不過 敲才廝熬煎 你且覷
門前等的無

人呵旋轉

雙調大德歌

關漢卿十段

春

子規啼不如歸道是春歸人未歸幾日添憔悴虛飄
飄柳絮飛一春魚雁無消息則見雙燕鬪啣泥

夏

俏冤家在天涯偏那里綠楊堪繫馬困坐南窓下數
對清風想念他蛾眉淡了教誰畫瘦厭、羞帶石榴

前三

三

花

秋

風飄、雨蕭、便做陳搏睡不着懊惱傷懷抱扑蔌
蔌淚點拋秋蟬兒噪罷寒蛩兒叫浙零、細雨打芭
蕉

冬

雪紛、掩重門不由人不斷冤瘦損江梅韻那里是
清江、上村香閨裏冷落誰瞅問好一個憔悴的凭
闌人

粉墻低景淒、正是那西廂月上時會得琴中意我

是個香閨裏鍾子期好教人暗想張君瑞敢則是愛
月夜眠遲

綠楊堤畫船兒正撞着一帆風赶上小馮魁喫的醺
醺醉怎想着金山寺壁上詩醒來不見多姝麗冷清
清空載月明歸

鄭元和受寂寞道是你無錢怎奈何哥、家緣破誰
着你搖銅鈴唱挽歌因打亞仙門前過恰便是司馬
泪痕多

謝家村賞芳春疑怪它桃花冷笑人着誰傳芳信強
題詩也斷菟花陰下等待無人問則聽得黃犬吠柴

前三

四

門

雪粉華舞梨花再不見煙村四五家密洒堪圖畫看
疎林噪晚鴉黃蘆掩映清江下斜纜着釣魚槎
吹一個彈一個唱新行大德歌快活休張羅想人生
能幾何十分淡薄隨緣過得麼陀處且麼陀

雙調碧玉簫

關漢卿十段

黃召風虔蓋下麗春園員外心堅使了販茶船金山
寺心事傳豫章城人月圓蘓氏賢嫁了雙知縣天稱

了他風流愿

怕見春歸枝上柳綿飛靜掩香閨簾外曉鶯啼恨天涯錦字稀夢才郎翠被知寬盡衣一搵腰肢細癡暗地的添憔悴

盼斷歸期劃損短金篋一搵腰圍寬褪素羅衣知他是甚病疾好交人沒理會揀口兒食陡恁的無滋味醫越恁的難調理

簾外風篩涼月滿閒堦燭滅銀臺寶鼎篆煙埋醉魂兒難掙挫精采兒強打捱那裏每來你取閑論詩才台定當的人來賽

前三

五

你性隨邪迷戀不來也我心癡呆等到月兒斜你權娛受用別我淒涼爲甚迭休謊說不索尋吳越嗜負心的教天滅

席上尊前衾枕奈無緣柳底花邊詩曲已多年向人前未敢言自心中禱告天情意堅每日空相見天甚時節成姻眷

膝上琴橫哀愁動離情指下風生蕭洒弄清聲瑣窓前月色明雕闌外夜氣清指法輕助起騷人興聽正漏斷人初靜

紅袖輕揜玉笋挽秋千畫板高懸仙子墜雲軒額殘

了翡翠鈿髻鬆了荷葉偏花逕邊笑撚春羅扇擷玉
腕鳴黃金釧

秋景堪題紅葉滿山溪松徑偏宜黃菊遶東籬正清
尊斟潑醅有白衣勸酒杯官品極到底成何濟歸學
取他淵明醉

笑語喧譁牆內甚人家度柳穿花院後那嬌娃媚孜
孜整絳紗顫巍、插翠花可喜煞巧筆難描畫他困
倚在秋千架

雙調 沽美酒

前

六

花奴將羯鼓催寧王把玉笛吹御手親將桐樹擊鄭
觀音琵琶韻美簇捧定個太真妃丹臉上臙脂勻膩
翠盤中采袖低垂寶髻上金釵斜墜霞綬底珍珠瑤
臂見娘行舞低羽衣整齊歡喜煞唐朝皇帝

畫梁間乳燕飛綠窗外曉鶯啼紅杏枝頭春色稀芳
樹外子規啼聲、叫道不如歸雨過處殘紅滿地風
來時落絮沾泥醞釀出困人天氣積趲下傷心情意
怕的是日遲柳陰影裏沙暖處鴛鴦春睡

雙調 楚天遙 帶 清江引

帶

薛昂夫三段

花開人正歡花落春如醉春醉有時醒人老歡難會
一江春水流萬點楊花墜誰道是楊花點、離人泪
迴首有情風萬里渺、天無際愁共海潮來潮去愁
難退更那堪晚來風又急

屈指數春來彈指驚春去蛛絲網落花也要留春住
幾日喜春晴幾夜愁春雨六曲小山屏題滿傷春句
春若有情應解語問着無憑據江東日暮雲渭北春
天樹不知那荅兒是春住處
有意送春歸無計留春住明年又着來何似休歸去

前三

七

桃花也解愁點、飄紅玉目斷楚天遙不見春歸路
春若有情春更苦暗裏韶光度夕陽山外山春水渡
旁渡不知那荅兒是春住處

雙調 鴈兒落 帶 得勝令

庾吉甫五段

春風桃李繁夏浦荷蓮間秋霜黃菊殘冬雪白梅綻
四季手輕番百歲指空彈漫說周秦漢徒誇孔孟顏
人間幾度黃粮飯狼山金杯休放閒 名韁廝纏挽
利鎖相牽絆孤舟亂石湍羸馬連雲棧宰相五更寒

將軍夜渡關創業非容易昇平守分難長安那個是
周公旦狼山風流訪謝安 韓侯一將壇諸葛三分
漢功名紙半張富貴十年限行路古來難古道近長
安緊把心猿繫牢將意馬拴塵寰倒大無憂患狼山
白雲相伴閒 荒、時務艱急、光陰換一局棋未
殘腰斧柯先爛百歲霎光間莫惜此時門三兩知心
友鯨杯且吸乾休彈玉人齊聲歎狼山興亡一笑間
從它絲髮斑欹枕白石爛回頭紅日晚滿目青山
碎翠立素峯寒碧鎖暮雲間媚景春前看晴嵐雨後
看開顏玉盞金波滿狼山人生相會難

前三

八

雙調醉高歌

帶過

殿前歡

酸齋一段

看別人鞍馬上胡顏歎自己如塵世汗眼英雄誰識
男兒漢豈肯向人行訴難 陽氣盛冰消北岸暮雲
遮日落西山四時天氣尚輪還秦甘羅疾發祿姜呂
望晚登壇遲和疾時運裏攢

雙調德勝樂

白仁甫八段

麗日遲和風習共王孫公子遊戲醉酒淹衫袖濕簪
花壓帽簷低春 酷暑天葵榴發噴鼻香十里荷花
蘭舟斜纜垂楊下只宜鋪枕簟向涼亭披襟散髮夏

玉露冷蛩吟砌聽落葉西風渭水寒雁兒長空嘹
唳陶元亮醉石東籬秋 密布雲初交臘偏宜去掃
雪烹茶羊羔酒添價膽瓶內溫水浸梅花冬

獨自寢難成夢睡覺來懷兒里抱空六幅羅裙寬褪
玉腕上釧兒鬆 獨自走躑成道空走了千遭萬遭
肯不肯疾些兒通報休直到教擔閣得天明了 紅
日晚遙天暮老樹寒鴉幾簇咱爲甚粧、頻覷怕有

前三

九

那新雁兒寄來書 紅日晚殘霞在秋水共長天一
色寒鴉兒呀、的天外怎生不稍帶金字兒來

雙調 得勝令

張小山一段

銀燭照黃昏金屋貯佳人酒醉三更後花融一夜春
恩情怕有些兒困親親、得來不待親

景元啓四段

一見話相投半醉捧金甌眼角傳心事眉尖鎖舊愁
綢繆暗約些兒後羞羞、得來不待羞

力困下秋千緩步，踅金蓮笑與情郎道，扶歸曲檻邊。
俄然欲語聲嬌顫，旋旋、得來不待旋。
一捻楚宮腰，體態更妖嬈。百媚將人帶，佯羞整鳳翹。
堪描臉兒上，撲堆着俏嬌嬌、得來不待嬌。
明月轉回廊，花影上紗窗。暗約湖山側低、問粉郎。
端詳怕有人，眺望荒荒、得來不待荒。

澹齋四段

日日醉紅樓，歸來五更頭。問着諸般諱，揪擗不害羞。
敲頭敢沒個牙疼，呪揪揪、得來不待揪。
庭院正無寥，單枕擁絞綃。細雨和愁種，孤燈滯夢燒。

前三

十

難熬促織兒，窓前叫焦焦、得來不待焦。
花影下重簷，沈煙裊繡簾。人去青鸞杳，春嬌酒病厭。
眉尖常鎖傷春怨，掀掀、得來不待掀。
一笑自生嬌，春風蘭麝飄。夜月紅牙按，青螺雙鳳高。
妖嬈那里有，惹多俏囂囂、得來不待囂。

雙調 殿前歡

疎齋

壽陽粧更何須，蘭被俏溫芳。玉妃不卧鮫綃帳，月戶
雲窓前。村遠驛路長，空惆悵。憑誰問，花無恙。被春愁

曉夢瘦損何郎 萬花叢殢韶光肯放采雲空癡駉
駉未解三生夢嬌滴、一捻春風歌喉邊笑語中秋
波送依約見芳心動被啼鶯戀住江上歸鴻

海棠庭這紅粧也見主人情被東風吹軟新歌詠都
爲花卿黃鵠飛白鹿鳴山林興佳麗相輝映足煙霞
翠袖錦帳雲屏 小樓紅隔紗窓斜照月朦朧繡衾
薄不奈春寒凍簾幙無風篆煙消寶鼎空難成夢孤
負了鸞和鳳山長水遠何日相逢 作閒人向滄波
濯盡利名塵回頭不覩長安近守分清貧足不襪髮
不中誰嗔問無事縈方寸煙霞伴侶風月比隣 壽

前四

十一

陽人玉溪先占一枝春紅塵驛使傳芳信深雪前村
冰梢上月一痕雲初褪瘦影向紗窓上印香來夢裏
寂寞黃昏 酒杯濃一葫蘆春色醉山翁一葫蘆酒
壓花梢重隨我溪童葫蘆乾興不窮誰人共一帶青
山送乘風列子列子乘風 酒頻沽正花開山鳥喚
提壺一胡盧提在花深處任意狂疎一胡盧勾也無
臨時覩不勾時重沽去任三閭笑我、笑三閭

馬九臯

據危闌看浮屠雙聳倚高寒鱗、萬瓦連霄漢俯視
塵寰望飛來紫翠開雲初散放老眼情無限知他是

西山傲我、傲西山春 柳扶疎玻璃萬頃浸水壺
流鶯聲裏笙歌度 士女相呼有丹青畫不如迷歸路
又撐入荷深處 知它是西湖戀我、戀西湖夏 洞
簫歌問當年赤壁樂如何 比西湖畫舫爭些個一樣
煙波有吟人景便多 四海詩名播千載誰酬和 知它
是東坡讓我、讓東坡秋 撚冰髭遶孤山枉了費
尋思自逋仙去後 無高士冷落幽姿道梅花不要詩
休說推敲字放殺顰難似 知它是西施笑我、笑西
施冬

浪淘、看漁翁舉網趁春潮 林間又見樵夫聞伐木

前三

十二

聲比功名客更勞 雖然道他終是心中樂 知他是漁
樵笑我、笑漁樵 醉歸來袖春風下馬笑盈腮 笙
歌接到珠簾外 夜宴重開十年前 一秀才黃蘗菜打
熬到文章伯 施展出江湖氣槩 抖擻出風月情懷

酸齋七段

暢幽哉春風無處不樓臺 一時懷抱俱無奈 揔對天
開就淵明歸去來 怕鶴怨山禽 怪問甚功名在酸齋
是我、是酸齋 楚懷王忠臣跳入汨羅江 離騷讀
罷空惆悵 日月同光傷心來 笑一場 笑你個三閭強
爲甚不身心放 滄浪汙你、汙滄浪 覺來評求名

求利不多爭西風吹起山林興便了餘生白雲邊創
草亭便留下尋芳徑消日月存天性知它功名戲我
我戲功名 怕西風晚來吹上廣寒宮玉臺不放香
奩夢正要情濃此時心造物同聽甚霓裳弄酒後黃
鶴送山翁醉我、醉山翁 怕相逢怕相逢歌罷酒
樽空醉歸來縱有陽臺夢雲雨無踪樓心月扇影風
情緣重恨不似釵頭鳳東陽瘦損羞對青銅 怕秋
來怕秋來秋緒感秋懷掃空堦落葉西風外獨立蒼
苔看黃花漫自開人安在還不徹相思債朝雲暮雨
都變了夢裏陽臺 隔簾聽幾番風送賞花聲夜來

前三

十

微雨天堦淨小院閑庭輕寒翠袖生穿芳逕十二闌
干凭杏花疎影楊柳新晴 數歸期綠苔牆劃損短
金籠裙刀兒刻得闌干碎都爲別離西樓上雁過稀
無消息空滴盡相思泪山長水遠何日回歸

張小山五段

月籠紗十年心事付琵琶相思懶看幃屏畫人在天
涯春殘豆蔻花情寄鴛鴦帕香冷茶縻架舊遊臺謝
曉夢窓紗 揔宜船綠情紅意雨餘天盈、皓月明
如練棹舉水田神仙太乙蓮圖畫崔徽面才思班姬
扇新詩象管古調冰絃 錦纏頭粉筆低按舞涼州

佳人一去春殘後香冷雲兜晴山翠黛愁綠水羅裙
皺細柳宮腰瘦梨花暮雨燕子空樓

和酸齋釣魚臺十年不上野鷗猜白雲來往青山在
對酒開懷欠伊周濟世才犯劉阮貪杯戒還李杜吟
詩債酸齋笑我、笑酸齋 喚歸來西湖山上野猿
哀二十年多少風流債花落花開望雲霄拜將臺袖
星斗安邦策破煙月迷魂寨酸齋笑我、笑酸齋

劉逋齋二段

醉翁醜醒來徐步杖藜拖家童伴我池塘坐鷗鷺清
波映水紅蓮五六科秋光過雨句新題破秋霜殘菊

前三

十四

夜雨枯荷

醉顏醜大翁莊上走如梭門前幾個官人坐有虎皮
馱、呼王留喚伴可無一個空叫得喉嚨破人踏了
瓜果馬踐了田禾

阿里耀卿子後尾二段

懶雲窩醒時詩酒醉時歌瑤琴不理拋書卧儘自麼
陀想人生待則麼富貴比花間落日月似獵梭過呵
呵笑我、笑呵、懶雲窩客至待如何懶雲窩里
和衣卧儘自婆婆想人生待則麼貴比我高些個富
比我慙些個呵、笑我、笑我、

澹齋和前韻

白雲窩樵童斟酒牧童歌醉時林下和衣卧半世磨
跼富和貧伊甚麼自有閑功課共野叟閑吟和呵
笑我：笑呵：

陽春白雪卷之三

前四

十五

樂府陽春白雪卷之四

越調天淨沙

白仁甫八段

春山暖日和風闌干樓閣簾櫳楊柳秋千院中啼鶯
舞燕小橋流水飛紅春雲收雨過波添樓高水冷
瓜甜綠樹陰垂晝簷紗幮藤簾玉人羅扇輕縑
孤村落日殘霞輕煙老樹寒鴉一點飛鴻影下青山

前四

一

綠水白雲紅葉黃花秋一聲畫角譙門半庭新月
黃昏雪裏山前水濱竹籬茅舍淡煙衰艸孤村冬
暖風遲日春天朱顏綠鬢芳年挈榼攜童跨蹇溪山
佳處好將春事留連春參差竹笋抽簪纍垂楊柳
攢金旋趁庭槐綠陰南風解愠快哉消我煩襟夏
庭前落盡梧桐水邊開徹芙蓉解與詩人意同辭柯
霜葉飛來就我題紅秋門前六出花飛尊前萬事
休題爲問東君消息急教人探小梅江上先知冬

嚴忠濟一段

能可少活十年休得一日無權大丈夫時乖命蹇有

朝一日天隨人願賽嘗君養客三千

商政叔四段

寒梅清秀誰知霜禽翠羽同期蕭洒寒塘月淡暗香
幽意一枝雪裏偏宜 到溪媚壓羣芳玉容偏稱宮
粧暗惹詩人斷腸月明江上一枝弄影飄香 野橋
當日誰栽前村昨夜先開雪散珍珠亂篩多情嬌態一
枝風送香來 雪飛柳絮梨花梅開玉蕊瓊葩雲淡
簾篩月華玲瓏堪畫一枝瘦影窓紗

張小山五段

金蓮萬炬花開玉梅千樹香來燈市東風暮靄采雲

前四

二

天外紫簫人倚瑤臺 碧桃花下簾旌綠楊影裏旗
亭幾處鶯呼燕請馬嘶芳徑典衣索做清明 倚闌
月到天心隔牆風動花陰一刻良宵萬金寶箏閑枕可
憐少個知音 月明今夜闌干雲深何處關山萬里青
天醉眼倚樓長歎柳陰閑殺漁竿 唳、落雁平沙
依、孤鶩殘霞隔水疎林幾家小舟如畫漁歌唱入
蘆花

越調小桃紅

楊西菴八段

碧湖湖上采芙蓉人影隨波動涼露沾衣翠綃重月
明中畫船不載凌波夢都來一段紅幢翠蓋香盡滿
城風 滿城煙水月微茫人倚蘭舟唱常記相逢若
耶上隔三湘碧雲望斷空惆悵美人笑道蓮花相似
情短藕絲長 采蓮人和采蓮歌柳外蘭舟過不管
鴛鴦夢驚破夜如何有人獨上江樓卧傷心莫唱南
朝舊曲司馬泪痕多 碧湖、上柳陰、人影澄波浸
常記年時對花飲到如今西風吹斷迴文錦羨他一
對鴛鴦飛去殘夢蓼花深 玉簫聲斷鳳皇樓惟
悴人別後留得啼痕滿羅袖去來休樓前風景渾

前四

三

依舊當初只恨無情煙柳不解繫行舟 黃花菱
葉滿秋塘水調誰家唱簾捲南樓日初上采秋香畫
船穩去無風浪爲郎偏愛蓮花顏色留作鏡中粧
錦城何處是西湖楊柳樓前路一曲蓮歌碧雲暮可
憐渠畫船不載離愁去幾番曾過鴛鴦汀下笑殺月
兒孤 採蓮湖上棹船回風約湘裙翠一曲琵琶數
行泪望君歸芙蓉開盡無消息晚涼多少紅鴛白鷺
何處不雙飛

東籬四公子宅賦四段

畫堂春暖繡帷重寶篆香微動此外虛名要何用

醉鄉中東風喚醒梨花夢主人愛客尋常迎送鸚
鵡在金籠春 映簾十二掛珍珠燕子時來去午夢
薰風在何處問青奴冰敲寶鑑丁當玉兀的不勝
如石家事擊破紫珊瑚夏 碧沙人歇翠紈間覺
後微生汗乞巧樓空夜筵散襪生寒青苔砌上觀
銀漢流螢幾點井梧一葉新月曲闌千秋 雨軒脩
竹鳳皇栖雪壓玲瓏翠慣得閑人日高睡賴花醫
扶頭枕上多風味門前恠得狂風無力家有辟寒犀
冬

小山七段

前四

四

一城秋雨豆花涼閑倚平山望不似年時鑑湖上錦
雲香采蓮人語荷花蕩西風雁行清溪漁唱吹恨
入滄浪 鑑湖一曲水雲寬鴛錦秋成段醉舞花
間影零亂夜漫、小舟只向西林喚仙人夢短長
天月滿玉女駕青鸞 倚闌花影背東風暗解清
宵夢舞扇歌衫與誰共恨冲、一春愁壓眉山重
燈花玉蟲羅屏金鳳殘月小簾櫳 幾場秋雨老黃
花不管離人怕一曲哀弦泪雙下放琵琶挑燈羞
看圍屏畫聲悲玉馬愁新羅帕恨不到天涯 研
金羅扇當花箋醉草湘妃怨曲、闌干錦屏面小

壺天花花按舞六么遍寒玉響泉香風深院明月十
三弦 翩、白鷺伴詩癡船繫青山暮一曲瑤箏
寫幽素夜何如飛吟亭上神仙路瓊樓玉宇白雲
紅樹月冷洞庭湖 一方明月杏花壇劍氣霞光爛
回首蓬萊自長歎佩秋蘭黃精已勾山中飯勞心又
嬾千名不慣歸伴野雲閑

澹齋題寫韻軒一段

當年相遇月明中一見情緣重誰想仙凡隔春夢
杳無踪凌風跨虎歸仙洞今人不見天孫標致依舊
笑春風

前四

五

越調凭闌人

牧菴七段

博帶峩冠年少郎高髻雲鬟窈窕娘我文章你艷
粧你一斤咱十六兩 馬上墻頭瞥見它眼角眉尖
拖逗咱論文章它愛咱賭妖嬈咱愛它 織就迴文
停玉梭獨守銀燈思念它夢兒裏休呵覺來時愁越
多 宮髻高盤鋪綠雲仙袂輕飄蘭麝熏粉香羅
帕新未曾淹泪痕 羞對鸞臺梳綠雲兩葉春山
眉黛顰強將脂粉勻幾回填泪痕 寄與多情王

子喬今夜佳期休悞了等夫人熟睡着悄聲兒窓
外敲 兩處相思無計留君上孤舟妾倚樓這些蘭
葉舟怎裝如許愁

小山五段

遠水晴天明落霞古岸漁村橫釣艍翠帘沽酒家
畫橋吹柳花 二客同遊過虎溪一徑無塵穿翠微
寸心流水知小窓明月歸 燈下愁春愁未醒枕
上吟詩吟未成杏花殘月明竹根流水聲 鶯羽
金衣舒晚風燕嘴香泥沾亂紅翠簾花影重玉人春
睡濃 春柳長亭傾酒尊秋菊東籬洒泪痕思

前四

六

君不見君倚門空閉門

中呂滿庭芳

牧菴三段

天風海濤昔人曾此酒聖詩豪我到此閒登眺日
遠天高山接水茫、渺、水連天隱、迢、供吟笑
功名事了不待老僧招 浙江秋吳山夜愁隨潮去
恨與山疊塞雁來芙蓉謝冷雨青燈讀書舍待
離別怎忍離別今宵醉也明朝去也寧耐些些 帆
收釣浦煙籠淺沙水滿平湖晚來畫灘頭聚笑

語相呼魚有剩和煙旋煮酒無多帶月須沽盤中
物山肴野蔌且盡胡盧

無名氏二段

霜天月滿漁歌江浦鶴唳林巒小舟盡日隨煙爨世
味休干蘆花被山中冷暖芰荷裳身上衣冠無人喚
雞聲不管高枕聽鳴湍 疎林暮鴉聚看遠浦
落雁寒沙青山隱、夕陽下遠水蒹葭鴨頭綠一
江浪花魚尾紅幾縷殘霞雲帆挂星河客槎萬里寄
天涯

小山八段

前四

七

人生可憐流光一瞬華表千年江山好處追遊遍古
意翛然琵琶恨青衫樂天洞簫寒赤壁坡仙村酒
好溪魚賤芙蓉岸邊醉上釣魚船 風波幾場急
疏利鎖頓解名韉故園老樹應無恙夢繞滄浪伴
赤松歸歟子房賦寒梅瘦却何郎溪橋上東風
暗香浮動月昏黃 尋思幾般圍腰玉瘦約腕金寬
怕春歸又是春將半信杳青鸞賦離恨花箋短短
散清愁柳絮漫、闌干畔芳枝綠滿梅子替心酸
相思故人釵分恨股粉印嬌痕數歸期屈得春
纖困兩地消魂樓外青山隱、花前紅雨紛、天

涯近回頭楚雲新月破黃昏 分飛斷腸花牋寫
恨粉腕留香臨行休倚危樓望摠是淒涼人去、寒
煙樹蒼馬蕭、落日沙黃牙床上相思夜長翠被夢
鴛鴦 愁春未醒芳心可、舊友卿、乍分飛早是相
思病幾度傷情思往事銀瓶墜井賦離懷象管呵
冰人孤另梅花月明熬盡短檠燈 西風瘦馬遙
天去雁落日昏鴉數前程掐得個歸藏卦夢到山
家柳下綸竿釣槎水邊籬落梅花漁樵話從頭
兒聽他白髮耐烏紗 營、苟、紛、擾、莫、休、
厭紅塵拂斷歸山袖明月扁舟留幾冊梅詩占手蓋

前四

八

三間茅屋遮頭還能勾牧羊兒肯留相伴赤松遊

中呂普天樂

小山二段

白頭新黃花瘦長天北斗明月南樓吹殘碧玉簫
淚滿青衫袖喚起嫦娥爲君壽舞西風桂子涼秋
百年故侯千鍾美酒一片閒愁 鳳釵分鴛衾另
輕、離別小、前程花開渭水秋酒盡陽關令不管
佳人愁成病載琴書畫舸無情今宵月明聲沈玉
笙影淡銀燈

中呂 紅繡鞋

酸齋三段

東村醉西村依舊今日醒來日扶頭直喫得海枯石
爛恁時休將屠龍劍釣鰲鉤遇知音都去做酒
雪香茵高侵雲鬢玉靈芝斜捧烏雲輪靨裏包藏
着些粉霜痕耳垂兒冰雪拈小孔兒裏都是玉酥湮
只被這業環兒把他拖逗損 挨着靠着雲窗同
坐偎着抱着月枕雙欹聽着數着愁着怕着早四更
過四更過情未足情未足夜如梭天那更閨一更

前四

九

妨甚麼

無名氏十段

老夫人寬洪海量去筵席留下梅香不付能今朝恰
停當欸、的分開羅帳慢、的脫了衣裳却元來紙
條來封了褲襠 掐、拈、寒賤偷、抹、姻緣幕
天席地枕頭磚或是廚竈底馬闌邊忍些兒却怕敢
氣喘 背地裏些兒歡笑手指兒何曾湯着那聽得
擦、鞋鳴早來到又那里挨窓兒聽倚門兒瞧把我
一個敢心都說了 不付能尋得個題目點銀燈推
看文書被內鐵索夫人緊纏住又使得他煎茶去

又使得他做衣服到熬得我先睡去 手約開紅羅
 帳欵擡身擦下牙牀底歡會共尔着銀缸輕、的鞋
 底兒放脚不敢把地皮兒湯又早被這告舌頭門
 扇兒響 欵、的分開羅帳輕、的擦下牙牀栗子
 皮踏着不隄防驚得膽喪說得魂揚便是震天雷
 不恁響 雖是間阻了咱十朝五夜尔根前没半米
 兒心別不付能帶酒的夫人睡着些休死執莫佯斜
 直睡得他覺來時回去也 結斜裏焦天撇地橫枝
 兒苦眼鋪眉吉斜子三千般兒碎收拾被窩兒裏閑
 唧噥枕頭兒上令填持又是那没前程的調泛你

前四

十

背地裏些兒歡愛對人前怎敢明白情性的夫人又
 早撞將來攔着粉頭落香腮吃取他幾紅繡鞋 小
 妮子頑涎不遐老敲才飽病莫醫做死的人前 床食
 也不索便問妻也不索、鉗鎚對我喫半碗帶水凌的
 凉酪水

小山五段

百五日清明節假兩三攢綠暗人家客子飄零向天
 涯春風輕柳絮絮夜雨度梨花綠楊陰誰繫馬 綠
 樹當門酒肆紅粧映水鬟兒眼底殷勤座間詩塵
 埃三五字楊柳萬千絲記年時曾到此 金錯落尊

前酒令玉娉婷樂府新聲夜深花睡嫩寒生一圍雲
錦樹四面雪芳亭月斜時人未醒 圓舊夢衾閑錦
繡按新聲弦斷箜篌滿襟離思倦登樓花寒鶻
鷓病春去杜鵑愁倚闌人困酒 金蓮步蒼苔小徑
玉鈎垂翠竹閑亭物換星移暗傷情游絲番凍影
啼鳥犯春聲落梅香暮景

中呂喜春來

小山四段

雁啼秋水移冰柱蟻泛春波倒玉壺綠楊花謝燕

前四

十一

將雛人笑語遊遍賀家湖 落紅小雨蒼苔徑飛絮
東風細柳營可憐客裏過清明不待聽昨夜杜鵑
聲 荷盤敲雨珠千顆山背披雲玉一蓑半篇詩
景費吟哦芳艸波松外采茶歌 收雲斂雨銷金帳望
月瞻星傅粉郎歡天喜地小紅娘來要賞花影過東
牆

山坡羊

九臯一段

銷金渦在湧金門外餞金船少欠西湖債列金釵

捧金臺黃金難買青春再
范蠡也曾金鑄來金安
在哉人安在哉

中吕朝天曲

無名氏一段

儘教便了 尔縱橫鬧紗籠影裡
馬頭高早雪擁藍
關道休喜休歡休煩惱
只爭個遲共早比甘羅不
小比太公未老須有日應心道

薛昂夫廿二段

沛公大風也得文章用
却教猛士歎良弓多了遊雲

前四

十二

夢駕馭英雄能擒能縱
無人出穀中后宫外宗險把
炎劉并 子牙鬚華才上非熊卦
爭些老死向天涯
只恁垂鈎罷滿腹天機
天人齊發武王任不差用他
討罰一怒安天下 伍員報親
多了鞭君忿可憐懸首
在東門不見包胥恨
半夜潮聲千年孤憤
錢塘萬馬奔駭人
怒魂何似吹簫韻 卞和抱璞
只合荆山坐三朝不遇待
如何兩足先遭禍
傳國爭符傷身行貨
誰教獻與他切磋琢磨
何似偷敲破 邵平不平
楚漢爭秦鼎將軍便去
作園丁軟了英雄性
瓜苦瓜甜秦衰秦盛
青門浪得名此生本輕
不是封侯

命 假王氣昂跨下羞都忘提牌不過一中郎漂母
曾相餉蒯徹名言將軍將強良弓不早藏未央法
場險似壇臺上 叔孫討論早定君臣分禮成文武兩
班分舞蹈揚塵順拔劍爭功垂紳消忿方知天子尊武
臣勇人也被書生困 丙吉宰執變理陰陽氣有司不
問尔相推人命關天地牛喘非時何須留意元來養
得肥早知好喫殺了供堂食 子陵價輕便入劉郎
聘等閒贏得一虛名賣了先生姓百尺絲綸千年高
興偶然一足橫帝星客星不料天文應 董永賣
身孝感天心順誰知織女是天孫同受爲奴困自有

前四

十三

牛郎佳期將近書生休認真本因孝親不是夫妻
分 老萊戲采七十年將邁堂前取水作嬰孩猶
欲雙親愛東倒西歪佯啼顛拜雖然稱孝哉上階
下階跌殺休相賴 董卓巨饕爲惡天須報一臍然出
萬民膏誰把逃亡照謀位藏金貪心無道誰知沒下
梢好教火燒難買棺材料 杜甫自苦踏雪尋梅
去吟肩高聳凍來驢迷却前村路煖閣紅爐兒家
門戶玉纖捧綠醕假如便俗也勝窮酸處 洞
賓道人未到天仙分岳陽三醉洞庭春賣墨無人問
欲斬黃龍青蛇猶鈍純陽能幾分養真鍊神却被

仙姑困 伯牙韻雅自與松風話高山流水淡生涯
心與琴俱化欲鑄鍾期黃金無價知音人既寡儘他
爨下煮了仙鶴罷 則天改元雌了長朝殿昌宗出入
二十年懷義陰功健四海淫風滿朝窰變關雖無此
篇弄權妬賢却聽梁公勸 孟母喪夫教子遷離墓
再遷市井厭屠沽遷傍芹宮住如此三遷房錢無數方
成一大儒問猪引取好辨長于喻 弄玉度曲只道
吹簫苦誰知鳳隻和鸞孤吹到聲員處明月臺空蕭
郎同去秦王一歎吁假如嫁夫明白人間住 采鸞
怕寒甲帳無人伴文簫連累墮人間責韻供煙爨

前四

十四

誰使思凡塵緣難斷羞還玉女班紫壇犯姦誤了朝
元限 祿山玉環子母腸難斷何須兵變陷長安
且向宮中亂趕得三郎鸞輿逃竄連雲蜀道難內
姦外反誤却霓裳慢 老矣倦矣消滅盡風雲氣
世情嚼蠟爛如泥不見真滋味蝸角虛名蠅頭微利
便得來真做的布衣袖裏試屈指英雄輩 好官
也興闌早勇退身無患人生六十便宜閑十載疎狂
限買兩個了鬟自拈牙板一個歌一個彈醒時節過
眼醉時節破顏能到此是英雄漢

小山三段

罷手去休已落淵明後百年心事付沙鷗更誰是忘
機友洞口漁舟橋邊村酒這清閑何處有樹頭錦
鳩花外啼清晝 夜長未央盼殺雞三唱東華
聽漏滿靴霜却笑淵明強月朗禪牀風清鶴帳夢不
到名利場草堂暗香春到了梅梢上 玉鞭翠
鈿記馬上昭君面一梭銀線解冰泉碎折驪珠串
雁舞秋煙鶯啼春院傷心塞草邊醉仙采箋寫
不盡關山怨

仙呂醉中天

前四

十五

無名氏四段

料想人如畫三寸玉無瑕底樣兒分明印在沙半折
些娘大着眼柳條兒比下實、不要陰乾時刻兩
個桃花詠鞋 哀告花箋紙囑付筆尖兒筆落花
牋寫就詞都爲風流事寄與多情艷姿既一心無
二偷功夫應付些兒 欲回信難尋紙就舊簡寫新
詞兩伴兒都是牽情事寄與風流秀士咱一心無二
斷腸人好處相思 已冷金鸞帳空煖玉蓮湯
不憶宮中睡海棠零落在嵬坡上泪濕東君赭
黃環兒何在馬嵬千載塵鄉

仙呂錦橙梅

無名氏一段

廝收拾廝定當越拘束着越荒唐入門來不帶酒廝
禁持覷不得娘香胡相恁娘又不是女娘繡房中
不是茶坊甘不過這不良喚梅香快扶入那銷金
帳

陽春白雪卷之四

前四

十六

祕冊

陽春白雪目錄

藏精愛日
書廬日

卷第一

小令

后庭花 呂止菴十首

醉扶歸 止軒三首 王和卿一首

遊四門 不知名氏四首
又二首

黑漆弩 無名氏一首 馮海粟七首和前韻

鸚鵡曲 馮海粟 小梁州 酸齋三首
薛昂夫一首

塞鴻秋 鄭德輝三首

后目

一

知秋令 呂止菴四首 吳克齋四首
小山四首

初生月兒 無名氏三首 四塊玉 趙齋八首

乾荷葉 劉太保八首

金字經 馬致遠三首 吳仁卿十一首
酸齋七首 小山十首

賽兒令 趙齋一首

卷第二

套數

賞花時 楊西菴 翠裊腰 楊西菴

翠裙腰纏令 呂止菴

八聲甘州 鮮于伯機 王脩甫
王嘉甫 石子章

點絳脣

彭壽之 又
不忽麻平章辭朝

祆神急

白無咎

卷第三

套數二

月照庭

無名氏

六么令

呂侍中

端正好

無名氏

古洪劉時中二套

一枝花

關漢卿
奧敦

亢文苑
無名氏

卷第四

亢文苑
孫叔順

無名氏

后目

二

套數三

鬪鶴鶻

吳仁卿三套

王伯成七套

梅花引

醉花陰

白無咎
陳子厚

粉蝶兒

孫叔順
馬東籬

王仲誠
馬東籬

夜行船

馬東籬

喬牌兒

關漢卿

卷之五

套數四

風入松

呂止軒三套

新水令

不知名
蒲察善長二套

關漢卿五套

醉春風

貫酸齋

侍香金童

關漢卿

願成雙

三套

陽春白雪目錄

陽春白雪卷之一

後集

青城後學澹齋楊朝英 選集

後庭花

呂止菴十首

一聲金縷詞十分金菊卮金刀分甘蔗金盤薦荔枝
不須辭太平無事政宜沉醉時
相逢飲興狂兩螯風味長鮮鯽銀絲鱠金鋪拆蠟房
透瓶香經年佳醞陶陶入醉鄉

后二

一

風滿紫貂裘霜含白玉樓錦帳羊羔酒山陰雪夜舟
党家候一般乘興虧它王子猷
西風黃葉疎一年音信無要見除非夢夢回總是虛
夢雖虛猶兀自暫時節相聚近新來和夢無
西風黃葉稀南樓北雁飛搵盡燈前泪縫君身上衣
約歸期清明相會雁還也人未歸
六橋煙柳顰兩峯雲樹分羅襪移芳徑華裙生暗塵
冷泉春賞心樂事水邊多麗人
碧湖環武林仙舟出湧金南國山河在東風草木深
冷泉陰興亡如夢傷時折寸心

香飄桂子樓涼生蓮葉舟落日鴛鴦浦西風鸚鵡洲
冷泉秋水西尋寺題詩憶舊遊
江南春已通隴頭人未逢水淺梅橫月山明雪映松
冷泉冬烹茶元味有人錦帳中
塔標南北峯風聞遠近鐘佛國三天竺禪關九里松
冷泉中水光山色巖花顛倒紅

仙呂醉扶歸

止軒三首

瘦后因他瘦愁后爲他愁早知伊家不應口誰肯先

后二

二

成就營勾了人也罷手喫得我些醪子裏罵低低的
呪
頻去教人講不去自家忙若得相思海上方不到得
害這些閒磨障你笑我眠思夢想則不打到你頭直
上

有意同成就無意大家休幾度相思幾度愁風月虛
遙授你若肯時肯不肯時罷手休把人空拖逗

王和卿一首

我背搵着他油特髻他背靠我脅皮早難道香腮左
右偎則索項窩裏長吁氣一夜何曾見他面皮則是

看一宿牙梳背

仙呂 遊四門

不知名氏四首

野塘花落杜鵑啼啼血送春歸
花開不拚花前醉
醉裏又傷悲
伊快活了是便宜
柳綿飛盡綠絲垂
則管送別離年
、折盡依然翠
行客幾時回
伊快活了是便宜
落紅滿地濕臙脂
遊賞正宜時
呆才料不顧薔薇刺
貪折海棠枝
支抓破繡裊兒

后二

三

海棠花下月明時
有約暗通私
不付能等得
紅娘至
欲審舊題詩
支關上角門兒

又

前程萬里古相傳
今日果如然
煙波名利雖榮顯
何日是歸年
天杜宇枉熬煎
琴書筆硯作生涯
誰肯戀榮華
有時相伴漁樵話
興盡飲流霞
嗒不醉不歸家

正宮 黑漆弩

無名氏一首

儂家鸚鵡洲邊住是一個不識字漁父浪花中一葉
扁舟睡煞江南煙雨[㊦]覺來時滿眼青山暮抖擻着
綠蓑歸去竿從前錯怨天公甚也有安排我處

馮海粟七首和前韻

錢塘江上親曾住司馬樵不是村父縷金衣唱徹流
年幾陣紗窗梅雨 夢回時不見犀梳燕子又啣春
去使人間月缺花殘是小、香魂斷處

錢塘
初夏

長繩短繫虛名住傾濁酒勸鄰父草亭前矮樹當門
畫出輕煙疎雨 看燕南陌上紅塵馬耳北風吹去
一年年月夜花朝自占取溪山好處

溪山
小景

后二

四

張良更姓圮橋住夜待旦遇個師父一編書不爲封
留字字咸陽膏雨 借箸籌減項興劉到底學神仙
去待商山四皓還山再不戀人間險處

四皓
屋

鸚鵡曲

馮海粟

逃吳辭楚無家住解空劍贈津父十年間隸越報荆
怒捲秋江潮雨 想空城組練三千白馬素車回去
又逡巡月上波平莫色在煙光紫處

頰肩腰斧登山住耐的苦是采薪父亂雲升急樹飛

來拗折青松遮雨 記年時雪斷溪橋曉渡前灣歸
去買臣妻富貴來尋氣燄到寒灰冷處
青衫司馬江州住月夜笛厭聽村父甚有傳舊譜琵琶
切切嘈嘈簷雨 薄情郎又泛茶船近日又浮梁
去說相逢捻是天涯訴不盡柔腸苦處
才郎于祐咸陽住是個不識字的田父御溝西綠水
東流乍歇長安秋雨 恨匆匆一片題情紅葉爲誰
流去恰殷勤離得深宮便得到人間好處

正宮 小梁州

后二

五

酸齋三首

朱顏綠鬢少年郎都變做白髮蒼蒼儘教他花柳自
芬芳無心賞不趁燕鶯忙①東家醉了東家唱西家
再醉何妨醉的強醒的強百年渾是醉三萬六千場
桃花如面柳如腰他生且自妖嬈醉闌乘興會今宵
低低道無語眼兒瞧②揣着個羞臉兒娘行告百般
的撒吞粧天氣的我心下焦空驚慄莫不姻緣簿上
前世暗勾消
相偎相抱正情濃爭忍西東相逢爭似不相逢愁添
重我則怕畫樓空③垂楊渡口人相送拜深深暗祝

東風他去的高掛起帆則願休吹動剛留一宿天意
肯相容

小山二首

玉壺春水浸晴霞景物奢華采船歌管間琵琶青旗
掛沽酒是誰家①夕陽一帶山如畫數投林萬點寒
鴉曲水邊孤山下遊人歸去明月管梅花

秋風江上棹孤航煙水茫茫白雲西去雁南翔推蓬
望情思滿滄浪②東籬悞約陶元亮過了重陽自感
傷何情況黃花惆悵空作去年香

右二首原板缺抄補在此

后二

六

塞鴻秋

鄭德輝三首

門前五柳侵江路庄兒緊靠白蘋渡除彭澤縣令無
心做淵明老子達時務頻將濁酒沽識破興亡數醉
時節笑撚着黃花去

雨餘梨雪開香玉風和柳線搖新綠日融桃錦堆紅
樹煙迷苔色鋪青褥王維舊畫圖杜甫新詩句怎相
逢不飲空歸去

金谷園那得三生富鐵門限枉作千年妬汨羅江空

把三閭汚北邙山誰是千鍾祿想應陶令杯不到劉
伶墓怎相逢不飲空歸去

薛昂夫一首

功名萬里忙如燕斯文一脈微如線光陰寸隙流如
電風霜兩鬢白如練盡道便休官林下何曾見至今
寂寞彭澤縣

商調 知秋令 即梧葉兒

呂止菴四首

心間事腸斷時醉墨寫烏絲千金字織錦詞繡針兒

后二

七

不比鶯兒燕子爲董針
姑作

相思病萬種情幾度海山盟誰薄倖誰至誠更能行
到底如何離影

情如醉悶似癡春瘦怯春衣添憔悴廢寢食減腰肢
怎脫厭厭病體

千金字萬古心翻作斷腸吟恩情厚怨恨深不知音
誰會重拈繡針爲董針
姑作

吳克齋四首

春三月夜五更孤枕夢難成香銷盡花弄影此時情
事負了牕前月明

花前約月下期歡笑忽分離相思害憔悴死訴與誰
只有天知地知

也斜害藥難醫隄峻惡相思懊悔自埋怨你見面時
說幾句知心話兒

桃花樹落絳英和悶過清明風才定雨怎晴繡針停
短歎長吁幾聲

小山四首

沂月蘭舟便歌雲翠袖勤湖上絕纖塵瓜剖玻璃瓮
酒傾白玉盆繪切水晶鱗醉倒羲皇上人

竹檻敲蒼玉蕉窗映綠紗笑語間琵琶月淡娑婆樹

后二

八

風香富貴花俏人家小小仙鬟過茶

湖山外楊柳邊歌舞鏡中天雲顰橫珠鳳花寒怯繡
鴛露冷濕金蟬愛月佳人未眠

長空一行雁老樹幾村鴉情思滿煙沙淡淡王維畫
疎疎陶令家脈脈武陵花何處遊人駐馬

大石 初生月兒

無名氏三首

初生月兒懸太虛恰似嫦娥髻上梳冰輪未滿羨歎
處漫長吁離恨苦冷清清鳳隻鸞孤

初生月兒一半彎那一半團圓直恁難雕鞍去后何
日還捱更闌淹泪眼虛簷外凭損闌干
初生月兒明處少又被浮雲遮蔽了香消燭滅人靜
悄夜迢迢難睡着窗兒外雨打芭蕉

南呂 四塊玉

逋齋八首

泛采舟攜紅袖一曲新聲按伊州尊前更有忘機友
波上鷗花底鳩湖畔柳
今日吳明朝楚吳楚交爭幾榮枯試將歷代從頭數

后二

九

忠孝臣賢明主泉下土
看野花攜村酒煩惱如何到心頭紅纓白馬難消受
二頃田兩隻牛飽時候
佐國心拏雲手命裏無時莫強求隨緣過得休生受
幾葉綿幾疋紬煖時候
利儘收名先有得好休時便好休閑中自有閒中友
門外山湖上酒林下叟
衣紫袍居黃閣九鼎沈似許由瓢甘美無味教人笑
棄了官辭了朝歸去好
萬丈潭千尋坎一線風濤隔仙凡識破休被功名賺

無厭心呆大膽誰再敢
官况甜公途險虎豹重關整威嚴
讎多思少皆堪歎
業貫盈橫禍滿無處閃

乾荷葉

劉太保

乾荷葉色蒼蒼老柄風搖蕩
減了清香越添黃都因
昨夜一場霜寂寞在秋江上
乾荷葉映着枯蒲折柄難擎
露藕絲無倩風扶持
擎無力不垂珠難宿灘頭驚

十

根摧折柄欹斜翠減清香謝
恁時節方絲絕紅鴛白
驚不能遮憔悴損乾荷葉
乾荷葉色無多不奈風霜挫
貼貼秋波倒枝柯宮娃齊
唱采蓮歌夢裏繁華過
南高峯北高峯慘淡煙霞洞
宋高宗一場空吳山依舊
酒旗風兩度江南夢
夜來個醉如酡不記前過
醒來呵二更過春衫惹定
茨蘼科拌到花抓破
乾荷葉水上浮漸漸浮將去
根將你去隨將去你問
當家中有媳婦問着不言語

脚兒尖手兒纖雲髻梳兒露半邊臉兒甜話兒粘更
宜煩惱更宜歡直恁風流倩

金字經

馬致遠三首

絮飛飄白雪鮓香荷葉風且向江頭作釣翁窮男兒
未濟中風波夢一場幻化中 擔頭擔明月斧磨石
上苔且做樵夫隱去來柴買臣安在哉空巖外老了
棟梁材 夜來西風裏九天鵬鴉飛困煞中原一布
衣悲故人知未知登樓意恨無天上梯

后二

十一

吳仁卿十一首

落花風飛去故枝依舊鮮月缺終須有再圓天月圓
人未圓朱顏變幾時得重少年 紫檀敲寒玉綠袍
飄敗荷好個春風藍采和哥人生能幾何乾坤大小
兒休笑他 太平誰能見萬村桑柘煙便是風調雨
順年田綠雲無盡邊窮知縣日高猶未眠 這家村
醪盡那家醅瓮開賣了肩頭一擔柴哈酒錢懷內揣
胡盧在大家捉去來 夢中邯鄲道又來走這遭須
不是山人索價高嘲虛名無處逃誰驚覺曉霜侵髻
毛 晉時陶元亮自負經濟才恥爲彭澤一縣宰栽

遶籬黃菊開名千載賦一篇歸去來 謝公東山卧
有時攜妓遊老松南書滿樓樓外頭亂峯雲錦秋誰
爲壽綠鬟雙玉舟 今人不飲酒古人安在哉有酒
無花眼倦開鼓吹臺玉人扶下堦何妨礙青春不再
來 道人爲活計七件兒爲伴侶茶藥琴碁酒畫書
世事虛似草梢擎露珠還山去更燒殘藥爐 太宗
凌煙閣老子邀月樓便是男兒得志秋休幾人能到
頭杯中酒勝如關內侯 海棠秋千架洛陽官宦家
燕子堂深竹映紗嗒路人休問他夕陽下故宮驚落
花

后二

十二

酸齋七首

曉來春勻透西園第一枝香暖朱簾酒滿卮思休歌
腸斷詞關心事夜闌人靜時 金芽熏曉日碧風度
小溪香暖金箋酒滿杯奇夜來香透幃人初睡玉堂
春夢回 蛾眉能自惜別離泪似傾休唱陽關第四
聲情夜深愁寐醒人孤另蕭蕭月二更 泪濺描金
袖不知心爲誰芳草萋萋人未歸期一春魚鴈稀人
憔悴愁堆八字眉 紫簫聲初散玉爐香正濃凉月
溶溶小院中從別來衾枕空遊仙夢一簾梅雪風
輕寒堆翠被東風暖玉纖香冷金猊月轉簾添蛾眉

新淡尖香收燄倚窗愁未忤 楚臺雲歸去待都來
三二朝閑煞東風碧玉簫簫寶釵金鳳翹風流貌把
人來憔悴了

小山十首

惜花人何處落紅春又殘倚遍危樓十二闌彈泪痕
羅袖班江南岸夕陽山外山 楊柳沙頭樹琵琶江
上舟鴈去衡陽水自流愁玉人休倚樓黃花瘦曉霜
紅葉秋 信遠江南雁望窮雲外山羅帕香殘粉泪
乾閒倚遍十二闌黃花慢桂香秋雨寒 玉手銀絲
繪翠裙金縷紗席上相逢可喜煞插一枝茉莉花題

后二

十三

詩罷醉眠沽酒家 六月芭蕉雨兩湖楊柳風茶竈
詩瓢隨老翁紅藕花香座中笛三弄鶴鳴來半空
竹枕蘆花被草衣荷葉中一棹煙波湖上春真神仙
身外身蓬萊近紫簫吹鳳雲 象管鴛鴦字錦箏鸞
鳳絲何處風流馬上兒思那回春暮時別離事帶花
折柳枝 翠被夢中夢雁書來處來秋水芙蓉花又
開猜愁雲惚玉釵人何在月明閒鳳臺 野唱敲牛
角大功懸虎頭一劍能成萬戶侯愁黃沙白鬪體成
名后五湖尋釣舟 寶鑑殘紅暈帕羅新泪痕又見
梨花雨打門因玉奴心上人無音信倚闌看暮雲

越調賽兒令

逋齋一首

夜已闌燈將滅紗窗外昏擦刺月兒斜越求和越把
個身子兒起耳輪兒做死的扯喫敲才拚定也子怕
你悔去也

陽春白雪卷之一

後集

后二

十四

陽春白雪卷之二

套數

仙呂 賞花時

楊西菴

秋水粼粼古岸蒼蕭索疎籬儂短岡山色日微茫黃
花綻也粧點馬蹄香勝胡蘆見一簇人家入屏帳竹
籬折補苔牆破設、柴門上張着破網幾間茅屋一

后二

一

竿風旆搖曳挂長江(賺尾)晚風林蕭蕭響一弄兒淒
涼旅况見壁指一似桑榆侵着道旁草橋崩柱摧梁
唱道向紅蓼灘頭見個黑足呂的漁翁髻似霜靠着
那駝腰拗樁瘦纍垂脖項一鉤香餌釣斜陽
水到湍頭燕尾分橋拈河梁龍背穩流水遠孤村殘
霞隱隱天際褪殘雲(么)客况淒淒又一春十載區區
已四旬由自在紅塵愁眉鎮鎖白髮又添新(煞尾)腹
中愁心間悶九曲柔腸悶損白日傷神由自輕到晚
來更關情唱道則聽得玉漏聲頻搭伏定蛟綃枕頭
兒眈客窗夜永有誰人存問二三更睡不得被兒溫

花點蒼苔繡不勻鶯喚垂楊語未真簾幙絮紛紛
日長人困風暖獸煙噴(么)一自檀郎共錦衾再不曾
暗擲金錢卜遠人香臉笑生春舊時衣 寬放出二
三分(賺煞尾)調養就舊精神粧點出嬌風韻將息劃
損苔墻玉筍拂掉了香冷粧奩寶鑑塵舒開繫束風
兩葉眉顰曉粧新高縮起烏雲再不管暖日朱簾鵲
噪頻從今聽鴉鳴不嗔燈花誰信一任教子規聲啼
破海棠魂 情泪流香淡臉桃高髻鬆雲顰鳳翹鴛
被冷鮫綃收拾煩惱准備下捱今宵(煞尾)串煙消銀
缸照和人瘦影兒無言對着一自陽臺雲路杳玉簪

后二

二

折難覓鸞膠最難熬更漏迢迢線帖兒番騰耳漫搔
愁的是斷腸人病倒盼煞那負心賊不到將封寄來
書乘恨一時燒

香徑泥融燕語喧采檻風微蝶影翻飛絮壁香綿嬌
鶯時轉驚起綠窗眠(煞尾)惜花愁傷春怨縈繫煞多
情少年何處狂遊裊玉鞭漫教人暗卜金錢空寫遍
翠濤箋魚雁難傳似這般白日黃昏怎過遣青鸞信
遠紫蕭聲轉畫樓中間煞月明天

香熱龍涎寶篆殘簾捲蝦鬚春晝閒心事苦相關春
光欲晚無一字報平安(尾)意無聊愁無限花落也鶯

慵燕懶兩地相思會面難上危樓凭暖彫闌暢心煩
盼殺人也秋水春山幾時看寶髻鬢鬆雲亂縮怕的
是尊空酒闌月斜人散背銀燈偷把泪珠彈

卧枕着牀染病疾夢斷魂勞怕飲食不索請召醫沉
吟了半日這症候兒敢蹉蹊(么)參的寒來恰禁起忽
的渾身如火氣逼厭的皺了雙眉豁的一會加精細
烘的半晌又昏迷(煞尾)減精神添憔悴把我這瘦損
龐兒整理對看那鏡兒裏容顏不認得呆荅孩轉轉
猜疑瘦腰圍寬盡羅衣一日有兩三次頻將帶續兒
移覷了這淹尖病體比東陽無異不似俺害相思出

后二

三

落與外人知

麗人春風三月天準備西園賞禁煙院宇立秋千桃
花噴火楊柳綠如煙(么)倚定門兒語笑喧來往星眸
廝顧戀比各正當年花陰柳影月底共星前(尾)口兒
啗心兒怨時急難尋輕便天也似閒愁無處着蘸霜
毫寫滿雲箋唱道各辦心堅休教萬里關山靠夢傳
不是雙生自專小卿緊勸只休教花殘鶯老了麗春

園

只爲多情忒俊雅月下星前迤逗煞掩映着牡丹花
潛潛等等不見劣冤家(么)今夜相逢打罵咱忽見人

來敢是他只恐有爭差咨咨認了正是那嬌娃(煞尾)
悄悄吁低低話廝抽杼粘粘掐掐終是女兒家不慣
耍龐兒不甚掙達透輕紗雙乳似白牙插入曾前緊
緊拿光油油膩滑顫巍巍拿罷至今猶自手兒麻
春夜深沉庭院幽偷訪吹簫鸞鳳友良月過南樓昨
宵許俺今夜話綢繆(么)兩處相思一樣愁及至相逢
却害羞則是性兒柔百般哀告腩腆不擡頭(煞尾)你
溫柔咱清秀本是一對兒風流配偶咫尺相逢說上
手緊推辭不肯成頭又不敢久遲留只怕你母追求
料想伊家不自由空耽着悶憂虛陪了消瘦不承望

后二

四

剛做了個口兒休

仙呂 翠裙腰

楊西菴

鶯穿細柳番金翅遷上最高枝海棠零亂飄堦址墮
臙脂共誰司唱送春詞

(金盞兒)減容姿瘦腰肢繡牀塵滿慵針指眉懶畫粉
羞施憔悴死無盡閑愁將甚比恰如梅子雨絲絲

(綠窗愁)有客持書至還喜知嗟咨未委歸期約幾時
先折破鴛鴦字元來則是賣弄他風流浪子誇翰墨

顯文詞枉用了身心空費了紙

(賺煞)揔虛脾無實事喬問候的言辭怎使復別了花
箋重作念偏自家少負你相思唱道再展放重讀讀
罷也無言暗切齒沈吟了數次罵你個負心賊堪恨
把一封寄來書都扯做紙條兒

仙呂 翠裙腰纏令

呂止蒼

(翠裙腰)老來多病逢秋驗便覺嫩涼添懶搖紈扇閒
紋篔捲朱簾晚粧樓外月纖纖

后二

五

(金盞兒)更西風颼微雲斂黃昏即漸暑氣消沛陰晴
乍閃冰魂尚潛指甲痕芽天生慳雙簾又傳宮樣印
眉尖

(元和令)素娥公案嚴牛女分緣儉蒼虬鉤玉控雕簷
翠屏人半掩采鸞收鏡入粧奩霓裳誰再拈

(賺尾)昂藏醉臉控樓襟袖沾花下心無嫌尊前興未
厭約銀蟾瑤臺獨立金梯長笑一掀髯

仙呂 八聲甘州

鮮于伯機

江天暮雪最可愛青帘搖曳長杠生涯閒散占斷水
國漁邦煙浮草屋梅近砌水遠柴扉扉山對窗時復
竹籬旁吠犬汪汪(乞)向滿目夕陽影裏見遠浦歸舟
帆力風降山城欲閉時聽戍鼓諍諍羈鴉噪晚千萬
點寒雁書空三四行畫向小屏間夜夜停缸(大安樂)
從人笑我愚和戇瀟湘影裏且粧呆不談劉項與孫
龐近小窗誰羨碧油幢(元和令)粳米炊長腰鱸魚煮
縮項悶攜村酒飲空缸是非一任講恣情拍手棹漁
歌高低不論腔(尾)浪滂滂水茫茫小舟斜纜壞橋樁
輪竿蓑笠落梅風裏釣寒江

后二

六

王脩甫

春閨夢好奈覺來心情向人難學錦屏斜靠尚離魂
脈脈難招游絲十丈天外飛落絮千團風裏飄似恁
這般愁着甚相熬(六么遍)自春來到春衰老簾垂白
畫門掩清宵閒庭杳杳空堂悄悄此情除是春知道
寂寥垂窗紗縷兩三條(后庭花煞)無心繡作空閒却
金剪刀眉蹙吳山翠眼橫秋水嬌正心焦梅香低報
報道晚粧樓外月兒高

王嘉甫

鶯花伴侶效卓氏彈琴司馬題橋情深意遠爭奈分

淺緣薄香箋寄恨紅錦囊聲斷傳情碧玉簫都爲可
憎他夢斷魂勞(六么遍)更身兒倬龐兒俏傾城傾國
難畫難描窄弓弓懶道溜刀刀六老稱霞腮一點朱
櫻小妖嬈更那堪楊柳小蠻腰(穿窬月)憶雙雙鳳友
鸞交料應咱没分消真真彼此都相樂花星兒照采
雲兒飄不隄防壞美衆生攪(元和令)漫贏得自己羞
空惹得外人笑多情知是不多情好模樣反做作相
逢爭似不相逢有上梢没下梢(賺尾)那回期今番約
花木瓜兒看好舊路高高築起界牆盡今生永不踮
着唱道言許心違說的誓尋思暢好脫卯待裝些氣

后二

七

高難禁脚拗不由人又走了兩三遭

石子章

天涯羈旅記斷腸南陌回首西樓許多時節冷落了
酒令詩籌腰圍似沈不耐春鬚髮如潘那更秋無語
細沉吟心緒悠悠(混江龍)十年往事也曾一夢到楊
州黃金買笑紅錦纏頭跨鳳吹簫三島客抱琴攜劍
五陵遊風流羅幃畫燭采扇銀鈎(六么遍)爲他迤逗
咱捫就更兩情廝愛同病相憂前時唧啣今番抹風
急料子心腸天生透追求没誠實誰道不自由(元和
令)外頭花木瓜裏面鐵豌豆橫琴彈徹鳳皇聲兩厭

難上手當元說盡海山盟一星星不應口(賺尾)洛陽
花宜城酒邨說與狂朋怪友水遠山長憔悴也滿青
衫兩淚交流唱道事到如今收了孛蘭罷了手邨些
兒自羞二年三歲不承望空溜溜了會眼兒休

彭壽之

平生放蕩俏倖聲名喧滿平康少年場上只恐舌劍
唇鎗機謀主仗風月景局斷經營旖旎鄉回首數年
間多少疎狂(混江龍)知音幸遇不由人重上個排場
花朝月夜酒肆茶坊相見十分相敬重廝看承無半
點廝隄防風流事贊之雙美悔則俱傷(元和令)合着

后二

八

兩會家相逢一合相怜新棄舊短因緣強中更有強
偷方覓便俏家風當行識當行(賺尾)一片至誠心萬
種風流相非是俺着迷過獎燕子鶯兒知幾許據風
流不類尋常唱道好處難忘花有幽情月有香想着
尊前伎倆枕邊模樣不思量除是鐵心腸

又

杯中酒冷鼎內香消臺上燈昏夜閒人靜書齋中早
掩重門愁靠芙蓉繡枕悶擁鮫綃錦被空思想意中
人年小芳溫(醉中天)一點朱唇嫩八字柳眉顰寶
髻高梳楚岫雲蓮臉施朱粉包彈處全無半分可人

意風韻見他時忽的消魂(賺尾)爲他嬌因他俊迤逗
的俺行癡立盹便得后冤家行頻覷恃偷工夫短命
行温存是費了些精神一夜歡娛正了本他於咱意
親俺於他心順不由人終日脚兒勤

又

芳菲過眼向玉砌雕闌翠落紅翻都來一段新愁舊
恨相煩簾垂永日人乍別門掩東風春又殘無語問
春歸天上人間六么遍恨歸期晚尋芳懶倚遍闌干
盼煞雕鞍佳音越慳啼淚不乾坐睡厭厭相思恨愁
煩悶來獨把繡牀攀元和令漫將龜卦揭空把雁書

后二

九

盼料他雲雨興闌珊天涯何日還重衾猶怯五更寒
悶愁心上攢(后庭花)瘦來金縷寬空將寶鏡看髻縮
雙鬟亂眉顰八字彎最心煩花開庭院子規啼數番
尾問長安隔關山別郎容易見郎難清明過也鷓鴣
聲裏畫樓閒

仙呂 點絳脣

不忽麻平章辭朝

寧可身卧糟丘賽強如命縣君手尋幾個知心友樂
以忘憂願作林泉叟混江龍布袍寬袖樂然何處謁

王侯但尊中有酒身外無愁數着殘棊江月曉一聲
長嘯海門秋山間深住林下隱居清泉濯足強如閒
事縈心淡生涯一味誰參透草衣木食勝如肥馬輕
裘油胡盧雖住在洗耳溪邊不飲牛貧自守樂閒身
翻作抱官囚布袍寬褪拿雲手玉簫占斷談天口吹
簫訪伍員棄瓢學許由野雲不斷深山岫誰肯官路
裏半途休天下樂明放着伏事君玉不到頭休休難
措手游魚兒見食不見鉤都只爲半紙功名一筆勾
急回頭兩鬢秋那叱令誰待似落花般鶯朋燕友誰
待似轉燈般龍爭虎鬪你看這迅指間烏飛兔走假

后二

十

若名利成至如田園就都是些去馬來牛(鶻踏枝)臣
則待醉江樓卧山丘一任教談笑虛名小子封侯臣
向這仕路上爲官倦首枉塵埋了錦袋吳鉤寄生草
但得黃雞嫩白酒熟一任教疎籬墻缺茅菴漏則要
窻明杌煖蒲團厚問甚身寒腹飽麻衣舊飲仙家水
酒兩三甌強如着翰林風月三千首村里迓鼓臣離
了九重宮闕來到這八方宇宙尋幾個詩朋酒友向
塵世外消磨白晝臣則待領着紫猿攜白鹿跨蒼虬
觀着山色聽着水聲飲着玉甌倒大來省氣力如誠
惶頓首元和令臣向山林得自由比朝市內不生受

玉堂金馬間瓊流控朱簾十二鉤臣向草菴門外見
瀛洲看白雲天盡頭上馬嬌但得個月滿舟酒滿甌
則待雄飲醉時休紫簫吹斷三更後暢好是孤鶴唳
一聲秋遊四門世間閑事挂心頭唯酒可忘憂非是
微臣常戀酒歎古今榮辱看興亡成敗則待一醉解
千愁后庭花揀溪山好處遊向仙家酒旋筍會三島
十洲客強如宴公卿萬戶侯不索你問緣由把玄關
泄漏這簫聲世間無天上有非微臣說強口酒胡盧
掛樹頭打魚船纜渡口柳葉兒則待看山明水秀不
戀你市曹中物穰人稠想高官重職難消受學耕耨

后二

十一

種田疇倒大來無慮無憂賺尾既把世情疎感謝君
恩厚臣怕飲的是黃封御酒竹杖芒鞋任意留揀溪
山好處追遊就着這曉雲收冷落了深秋飲遍金山
月滿舟那其間潮來的正悠船開在當溜卧吹簫管
到楊州

仙呂 祇神急

白無咎

綠陰籠小院紅雨點蒼苔誰想東君也是人間客縱
分連理枝漫解合歡帶陽春早是心地窄愁山和悶

海暢會栽桃 六么遍 更別離 怨風流 債雲歸 楚岫月
冷秦臺 當時眷愛 如今阻隔 誰備從今 因他害傷懷
冷清清 日月怎生捱 元和令 鸞交何日重 鴛夢幾時
再清明 前后約 歸期到如今 牡丹開 空等待 翠屏香
裏掩 東風鋪 陳下愁境界 后庭花煞 無情子 規聲更
哀暢好 明白既道 不如歸去 看你幾聲兒 攬掇得那
人來

陽春白雪卷之二

后二

十二

陽春白雪卷之三

正宮 月照庭

不知名氏

老足秋容落日殘
蟬暮霞歸來雁落平沙水迢迢煙
淡淡露濕蒹葭飄紅葉噪晚鴉
么古岸蒼蒼寂寞漁村數家茶船上
那個嬌娃擁鴛衾
歎珊枕情緒如麻愁難盡悶轉加

后三

一

六么序 記當時枕前話各指望永同歡洽事到如今
兩離別褪羅裳憔悴因他休休自家緣分淺上心來
泪搵濕羅帕想薄情鎮日迷歌酒近新來頓阻鱗鴻
京師裏戀煙花么哭啼啼自呪罵知他是憶念人麼
驀聞船上撫琴聲遣蘇卿無語嗟呀分明認得雙解
元出蘭舟繡鞋亡屐乍相逢欲訴別離話惡恨酒醒
馮魁驚夢杳無涯 鴛鴦兒煞 覺來時痛恨半霎夢魂
兒依舊在蓬窻下 故人不見滿江明月浸蘆花

正宮 六么令

呂侍中

華亭江上煙淡淡草萋萋浮光萬頃長篙短棹一蓑
衣終日向船頭上穩坐來往故人稀綸竿收罷輕拋
香餌個中消息有誰知
么說破真如妙理惟恐露玄機春夏秋冬披星帶月
守寒溪一點殘星照水上下接光輝素波如練東流
不住錦鱗不遇又空回
尾漫傷嗟空勞力欲說誰明此理千尺絲綸直下垂
一波動萬波相隨唱道難曉幽微且恁陶陶度浮世
水寒煙冷小魚兒難釣滿船空載月明歸

后三

二

正宮 端正好

不知名氏

本是對美甘甘錦堂歡生紐做愁切切陽關怨恰離
了鶯花寨早來到野水平川急煎煎二千里把程途
踐景蕭蕭宜寫在幃屏面(滾繡毬)動羈懷的是昔零
零暮雨晴惱人腸的是日遲遲春晝暄感離情的是
嬌滴滴弄喉舌啼鶯語燕舞飄飄亂紛紛柳絮飛綿
嘆浮生的是草萋萋際碧天綠茸茸柳帶煙流盡年
光的是兀良響潺潺碧澄澄玻璃楚江如練斷送

行人的是忔登登鞭羸馬行色淒然猛想起醉醺醺
昨宵歡會知多少陡恁的冷清清今日淒涼有萬千
情默默無言倘秀才莫不是黃司理緣薄分淺多管
是雙通叔時乖運蹇小卿你再不向秦樓動管絃采
鸞回舞鏡青鳥罷嘶箋兀良不遠脫布衫不行動則
管裏懊煎休待莫得俄延側着耳聽沈沈半晌詭
得我那膽寒心戰醉太平元來是昏鴉噪暮天落雁
叫沙邊猛聽得隔江人喚渡頭船啼紅的是杜鵑我
則見撲蔌蔌淚濕殘粧面將風流秀士莫留戀生忔
察拆散了並頭蓮則爲他多情的業冤尾三杯別酒

后三

三

肝腸斷一曲陽關離恨添我上車兒倦向前他上雕
鞍懶贈鞭比各無言兩泪連各辦堅心石也穿兩處
相思情意牽遙望見車兒漸漸的遠

古洪劉時中上高監司

衆生靈遭磨障正値着時歲饑荒謝恩光拯濟皆無
恙編做本詞兒唱滾繡毬去年時正插秧天反常那
裏取若時雨降旱魃生四野災傷穀不登麥不長因
此萬民失望一日日物價高張十分料鈔加三倒一
斗租粮折四量煞是淒涼倘秀才殷實戶欺心不良
停塌戶瞞天不當吞象心腸歹伎倆穀中添秕屑米

內插麤糠怎指望他兒孫久長滾繡毯甌生塵老弱
饑米如珠少壯荒有金銀那裏每典當盡枵腹高卧
斜陽剝榆樹餐挑野菜嘗喫黃不老勝如熊掌蕨根
粉以代餼糧鵝腸苦菜連根煮荻筍蘆蒿帶葉啗則
留下杞柳株樟倘秀才或是捶麻柘稠調豆漿或是
煮麥麩稀和細糠他每早合掌擎拳謝上蒼一個個
黃如經紙一個個瘦似豺狼填街卧巷滾繡毯偷宰
了些閻角牛盜斫了些大葉桑遭時疫無棺活葬賤
賣了些家業田庄嫡親兒共女等閒參與商痛分離
是何情况乳哺兒没人要撇入長江那裏取廚中剩

后三

四

飯杯中酒看了些河裏孩兒岸上娘不由我不哽咽
悲傷倘秀才私牙子船灣外港行過河中宵月朗則
發跡了些無徒米麥行牙錢加倍解賣面處兩般裝
昏鈔早先除了四兩滾繡毯江鄉相有義倉積年系
稅戶掌借貸數補答得十分停當都侵用過將官府
行唐那近日勸糶到江鄉按戶口給月糧富戶都用
錢買放無實惠盡是虛椿充饑畫餅誠堪笑印信憑
由却是誑快活了些社長知房伴讀書磨滅盡諸豪
壯斷送了些閒浮浪抱子攜男扶筇杖尫羸傴僂如
蝦樣一絲好氣沿途創閣泪汪汪貨郎見餓殍成行

街上乞出攔門鬪搶便財主每也懷金鵠立待其亡
感謝這監司主張似汲黯開倉披星帶月熱中腸濟
與糶 親臨發放見孤孀疾病無歸向差醫煮粥分
廂巷更把賍錢錢分例米多般兒區處約最優長衆
饑民共仰似枯木逢春萌芽再長叨叨令有錢的販
米穀置田莊添生放無錢的少過活分骨肉無承望
有錢的納寵妾買人口偏興旺無錢的受饑餒填溝
壑遭災障小民好苦也麼哥也麼哥便秋收鬻妻賣
子家私喪三煞這相公愛民憂國無偏黨發政施仁
有激昂恤老怜貧視民如子赴死回生扶弱摧強萬

后三

五

萬人感恩知德刻骨銘心恨不得展草垂韁覆盆之
下同受太陽光二天生社稷真卿相才稱朝廷作棟
梁這相公主見宏深秉心仁恕治政公平愷悌慈祥
可與蕭曹比並伊傅齊肩周召班行紫泥宣詔花襯
馬蹄忙一願得早居玉笋朝班上佇看金甌姓字香
入闕朝京攀龍附鳳和鼎調羹論道經邦受用取貂
蟬濟楚袞繡崢嶸珂珮丁當普天下萬民樂業都知
是前任繡衣郎尾聲相門出相前人獎官上加官后
代昌活被生靈思不忘粒我烝民德怎償父老兒童
細較量樵叟漁夫曾論講共說東湖柳岸旁那裏清

幽更舒暢靠着雲卿蘇圃場與徐孺子流芳挹清况
蓋一座祠堂人供養立一統碑碣字數行將德政因
由都載上使萬萬代官民見時節想

前人

既官府甚清明采輿論聽分訴據江西劇郡洪都正
該省憲親臨處願英俊開言路滾繡毬庫藏中鈔本
多貼庫每弊怎除從關防任誰不顧壞鈔法恣意強
圖都是無廉耻買賣人有過犯馭僮徒倚仗着幾文
錢百般胡做將官府覷得如無則這素無行止喬男
女都整扮衣冠學士夫一個個膽大心寬倘秀才堪

后三

六

笑這沒見識街市匹夫好打那好頑劣江湖伴侶旋
將表得官名相體呼聲音多廝稱字樣不尋俗聽我
一個個細數滾繡毬糴米的喚子良賣肉的呼仲甫
做皮的是仲才邦輔喚清之必定開沽賣油的喚仲
明賣鹽的稱士魯號從簡是采帛行鋪字敬先是魚
鮓之徒開張賣飯的呼君寶磨麵登羅底叫德夫何
足云乎倘秀才都結義過如手足但聚會分張耳目
探聽司縣何人可共處那問他無根脚只要肯出頭
顛扛扶着便補滾繡毬三二百定費本錢七八十里
去幹取詐捏作曾編卷假如名目偷俸錢表裏相符

這一個圖小倒那一個苟俸祿把官錢視同己物更狠如盜跖之徒官攢庫子均攤着要弓手門軍那一個無試說這廝每貪汗倘秀才提調官非無法度爭奈蠹國賊操心太毒從出學處本先將科鈔除高低還分例上下没言語貼庫每他便做了鈔主滾繡毬且說一季中事到錢開作時各自與庫子每隨高低預先除去軍百戶十定無虛攢司五五拏官人六六除回牌頭每一名是兩封足數更有合千人把門軍弓手殊途那裏取官民兩便通行法赤緊地賄賂草宜左道術於汝安乎倘秀才爲甚但開庫諸人不伏倒

后三

七

籌單先須計呪苗子錢高低隨着鈔數放小民三二百報花戶一千餘將官錢陪出滾繡毬一任你叫得昏等到午佯呆着不瞅不覷他却整塊價捲在包袱着纖如晃庫門興販的論百價數都是真楊州武昌客旅窩藏着家里安居排的文語呼爲繡假鈔公然喚做殊這等兒三七價明正倘秀才有揭字駝字觀數有背心剜心異呼有鈔腳頻成印上字模半邊子兀自可搥作鈔甚胡突這等兒四六分價換取滾繡毬赴解時弊更多作下人就做夫檢塊數幾曾詳數止不過得南吏貼相符那問他料不齊數不足速

賁子一時扛去怎教人心悅誠服自古道人存政舉
思他前輩到今日法出姦笑然老夫公道也私乎倘
秀才比及燒紙鈔先行擺布散夫錢僻靜處俵與暗
號兒在燒餅中間覷有無一名夫半定社長摠收貯
燒得過便吹笛擂鼓塞鴻秋一家家傾銀注玉多豪
富一個個烹羊挾妓誇風度撇搽手到處稱人物粧
旦色取去爲媳婦朝朝寒食春夜夜元宵暮喫筵席
喚做賽堂食受用盡人間福呆骨朶這賊每也有難
堪處怎禁他強盜每近逐要飯錢排日支持索費發
無時橫取奈表裏通同做有上下交征去真乃是源

后三

八

清流亦清休今後人除弊不除脫布衫有聰明正直
嘉謨安得不剪其繁蕪成就了閭閻小夫壞盡了國
家法度小梁州這廝每玩法欺公膽氣麤恰便似餓
虎當途二十五等則例盡皆無難着目他道陪鈔待
何如么一等無辜被害這羞辱廝攀指一地里胡突
自有地通神物見如今虛其府庫好教他鞭背出蟲
蛆十二月不是我論黃數黑怎禁他惡紫奪朱爭奈
何人心不古出落着馬牛襟裾口將言而囁嚅足欲
進而趨趨堯民哥想商鞅徙木意何如漢國蕭何斷
其初法則有準使民服期于無刑佐 皇圖說與當

途無毒不丈夫爲如如把平生誤耍孩兒十三煞天
開地闢由盤古人物才分下土傳之三代幣方行有
刀圭泉布從初九府圜法俱用制三品堆金乃漢圖
止不過作貿易通財物這的是黎民命脈朝世權術
十二蜀寇賊交子行宋真宗會子舉都不如當今鈔
法通商賈配成五對爲官本工墨三分任倒除設制
久無更故民如按堵法比通衢十一已自六十秋楮
幣行則這兩三年法度沮被無知賊子爲姦蠹私更
徹鑊心無愧那想官有嚴刑罪必誅忒無忌憚無憂
懼你道是成家大寶怎想是取命官符十窮漢刃將

后三

九

綽號稱巴頭每表得呼巴不得登時事了乾回付向
庫中鑽刺真強盜却不射上分明大丈夫壞盡今時
務怕不你人心姦巧爭念有造物乘除九醜乘字模
樣眼扭蠻腰禮義疎不疼錢一地里胡分付宰頭羊
日日羔兒會没手盞朝朝仕女圖怯薛回家去一個
個欺凌親戚眇視鄉閭八没高低妾與妻無分限兒
共女及時打扮銜珠玉雞頭般珠子緣鞋口火炭似
真金裹腦梳服色例休題取打扮得怕不賽夫人樣
子脫不了市輩規模七他那想赴京師關本時受官
差在旅途耽驚受怕過朝暮受了五十四站風波苦

虧殺數百千程遞運夫喂生受喂擔負廣費了些首
思分例倒換了些沿途文書六到省庫中將官本收
得無疎虞朱鈔足那時才得安心緒常想着半江春
水番風浪愁得一夜秋霜染鬚鬚歷重難博得個根
基固少甚命不快遭逢賊寇霎時間送了身軀五論
宣差清如酌貪泉吳隱之廉似還桑堪趙判府則爲
忒慈仁反被相欺侮每持大體諸人服若說私心半
點無本棟梁才若早使居朝輔貴甦民瘼不事苞苴
四急宜將法變更但因循弊若初嚴刑峻法休輕恕
則這二攢司過似蛇吞象再差十大戶猶如插翅虎

后三

十

一半兒弓手先去合千人同知數目把門軍切禁
科需三提調官免罪名鈔法房選吏胥攢典俸多的
路吏差着做廉能州吏從新點貪濫軍官合減除佳
倉庫無陞補從今倒鈔各分行舖明寫坊隅二逐戶
兒編楷成科例來各分向將勘合書逐張兒背印拘
鈐佳即時支料還元主本日交閩人庫府另有細說
直至起解時才方取免得他撐船小倒提調官封鎖
無虞一緊拘收在庫官切關防起解夫鈔面上與官
攢俱各親標署庫官但該一貫須黥配庫子折莫三
錢便斷除滿百定皆抄估槌鈔的揭剝的不怕他人

心似鐵小倒的興販的明放着官法如爐尾忽青天
開眼覷這紅巾合命殂且舉其綱若不怕傷時務他
日陳言終細數

南呂 一枝花

關漢卿

輕裁蝦鬚萬鬚巧織珠千串金鈎光錯落繡帶舞蹁躚
似霧非煙粧點就深閨院不許那等閒人取次展搖
四壁翡翠濃陰射萬瓦琉璃色淺梁州富貴似侯家
紫帳風流如謝府紅蓮鎖春愁不放雙飛燕綺窗相

后三

十一

近翠戶相連雕櫳相映繡幙相牽拂苔痕滿砌榆錢
惹楊花飛點如綿愁的是抹回廊暮雨蕭蕭恨的是
篩曲檻西風翦翦愛的是透長門夜月娟娟凌波殿
前碧玲瓏掩映湘妃面沒福怎能勾見千里揚州風
物妍出落着神仙尾恰便似一池秋水通宵展一片
朝雲盡日縣爾個守戶的先生肯相戀煞是可憐則
要你手掌兒裏奇擎着耐心兒捲贈朱簾秀

亢文苑

名高唐國盤色壓陳亭榭霞光侵趙璧瑞靄賽隋珠
無半點兒塵俗不比尋常物世間揔不如莫誇談天

上飛瓊休賣弄人間美玉梁州希罕似朱崖瑪瑙直
錢如北海珊瑚忒玲瓏性格兒通今古論清潔是有
瑕疵全無溫柔似粉滑膩如酥則要你汝陽齋韞匱
藏諸不管你麗春園待價沽諸若做個玉盆兒必定
團圓做個玉簫管決知音律做個玉鏡臺雅稱粧梳
堪人愛護那些兒斷盡人腸處更那堪吳香馥只恐
旁人認做琉球索別下個虛實尾遠藏崑頂千峯古
高出荆山萬倍餘姓下的先生識真玉休道別了他
二足一身兒與他做主至死也懷中抱不足

爲玉葉
兒作

奧敦

后三

十二

年深馬骨高塵慘貂裘敝夜長鴛夢短天闊雁書遲
急覓歸期不索尋名利歸心緊歸去疾恨不得裊斷
鞭梢豈避千山萬水梁州龜卦何須再卜料燈花已
報先知并程途不甫能來到家內見庭間小院門掩
昏閨碧紗窗悄斑竹簾垂將個櫳門兒欵欵輕推把
一個可喜娘臉兒班回急驚列半晌荒唐慢朦騰十
分認得呆荅孩似醉如癡又嗔又喜共攜素手歸蘭
舍半含笑半擎泪些兒春情雲雨罷各訴別離尾我
道因思翠袖寬了衣袂你道是爲盼雕鞍減了玉肌
不索教梅香鑑憔悴向碧紗幮帳底翠幃屏影裏廝

搵着香腮去鏡兒比遠歸

無名氏

髻鬟梳綠雲肌瘦消紅玉蛾眉顰翠黛粉臉墮珍珠
遍洒東風亂落梨花雨低頭長嘆吁長歎罷羅帕頻
淹都搵盡千絲萬縷梁州愁怨恨還如堆積舊精神
不似當初自從萬里人南去塵濛錦瑟帳漫流蘊香
焚寶鼎酒冷金壺對青鸞不待粧梳到黃昏着甚支
吾怕的是照閑庭月色朦朧倦的是透珠簾花香馥
郁愁的是印紗窗竹影扶疎自心黯忖悔當時錯發
送上陽關路聽唱到第三句揔是離人斷腸曲搔首

后三

十三

踟躕感皇恩剛道聲才郎身去心休去他攬與俺回
挽得千條柳難繫雕鞍住到如今百草枯風吹得紅
葉舞正值着秋天暮罵玉郎呀骨刺刺風透紗幘吉
丁當漏滴銅壺薄設設被兒單昏昏慘慘燈兒暗瘦
厭厭影兒孤思伊受苦偏俺負你何辜從春去因應
舉戀皇都采茶歌他去了半年餘閃得我受孤獨羅
幃寂寞故人無寒雁來時音信杳雁還歸去亦無書
尾知他是誰家月館風亭宿何處山村野店居錦堂
春翻做陽關路多情弄玉若見吹簫伴侶慢慢的說
俺從前受過的苦

亢文苑

春風眼底私夜月心間事玉簫鸞鳳曲金縷鷓鴣詞
燕子鶯兒殢殺尋芳使合歡連理枝我爲你盼望煞
楚雲湘雨擔閣了朝經暮史梁州你爲我堆寶髻羞
盤鳳翅淡朱唇懶注臙脂東君有意偷窺視翠鸞尋
夢采扇題詩花箋寫恨錦字傳詞包藏着無限相思
思量煞可意人兒幾時看靠窗紗偷轉秋波幾時見
整雲髻輕舒玉指幾時看倚東風笑撚花枝新昏燕
爾到如今拋閃得人獨自你那點至誠心有誰似休
把那山海盟言不勾思相會何時尾斷腸詞寫就龍

后三

十四

蛇字疊做個同心方勝兒百拜嬌姿謹傳示問別了
許時這關心話兒盡在這帶雨尤雲半張兒紙

無名氏

臉如百草霜唇注松煙墨眼橫潭底水牙染金泥烏
玉如肌眉不顯春山翠似蒲萄好乳垂若不是薄荷
煎每日充饑瀆牙藥逐朝漱洗梁州我子道克刺張
回回姊妹却元來是大洪山三聖姨姨猛回頭錯認
做砂鍋底只合去燒窰淘炭漆碗熏杯怎生去迎新
送舊賣笑求食便是塊黑砂糖有甚希奇便是塊試
金石難辨高低莫不寨兒中書下的靈符莫不是房

兒中描來的黑鬼莫不是酒樓前貼下鍾馗這妮子
幼年間充着壬癸生長在烏衣國靠定門簾不動衣
百般的辨不得容儀尾不索你分星擘雨顯名兒喚
路上行人人口勝碑這娘子罵得他都易泪滴下些黑
汗脚踢起些炭氣吁得青銅鏡兒黑嘲黑妓

又

七寶羅漢身八難觀音像玉樓巢翡翠誰教你金殿
鎖鴛鴦蕭寺裏蝶亂蜂狂玉溪館青樓巷緣得五臺
山傅粉郎小和尚久等鶯娘老亞仙風魔了志廣梁
州常則是金斗郡雙生和小卿幾曾見麗春園蘓氏

后三

十五

和都剛被個老妖精狐媚了唐三藏一個供佛的柳
翠伴着個好色東堂鍾樓鼓閣便做了待月西廂丑
禪師寵定個天香笑吟吟攜手相將鳳幃中路柳參
禪駕帳底煙花聽講看門兒虧煞金剛暗想這場出
家兒招攬喬公案你也不是清淨僧真乃是莽和尚
當了袈裟做一場豈怕人聲揚尾十年功業難脩養
取得個年老妖精復落娼卧兔當來受災障常把三
門緊關上那妮子僧房中叫反交你削了髮的耆卿

后晚

嘲僧

孫叔順

不戀蝸角名豈問蠅頭利世情看冷煖人面逐高低
閒是閒非僻掉的都伶俐百身圖畫裏本待要快活
逍遙情願待休官罷職梁州誰待想錦衣玉食甘心
守淡飯黃齏向林泉選一荅兒清幽地閒時一曲悶
後三杯柴門艸戶茅舍疎籬守着咱稚子山妻伴着
幾個故友相識每日價笑吟吟談古論今閒遙遊
山玩水樂陶陶下象圍棋早起晚夕喫醉了重還醉
歎白髮緊相逼百歲光陰能有幾快活了是便宜尾
都則是兩輪日月搬興廢一合乾坤洗是非直宿到
紅日三竿偃然睡那些兒况味誰知一任鶯啼喚不

后三

十六

起

陽春白雪卷之三

陽春白雪卷之四

越調鬪鶴鷄

吳仁卿

天氣融融和風習習花發南枝冰銷岸北慶賀新春
滿斟玉液朝禁闕施拜禮舞蹈揚塵山呼萬歲紫花
兒序托賴着一人有慶五穀豐登四海無敵寒來暑
往兔走烏飛節令相催荅賀新正聖節日願我 皇

后四

一

又添一歲豐稔年華太平時世小桃紅官清法正古
今稀百姓安無差役戶口增添盜賊息路不拾遺托
賴着萬萬歲

當今帝狼煙不起干戈永退齊賀凱歌回慶元貞先
收了大理后取了高麗都收了偏邦小國一統了江
山社稷么太平無事罷征旗祝延聖壽做筵席百官
文武兩班齊歡喜無盡期都喫得醉如泥禿廝兒光
祿寺瓊漿玉液尚食局御膳堂食朝臣一發呼萬歲
祝聖壽慶官裏進金杯聖藥王大殿裏設宴會教坊
司承應在丹墀有舞的有唱的有鳳簫象板共龍笛

奏一派樂聲齊尾願吾皇永坐在皇宮內願吾皇永
掌着江山社稷願吾皇永穿着飛鳳赭黃袍願吾皇
永坐着萬萬載盤龍亢金椅

又

棄職休官張良范蠡拜辭了紫綬金章待看青山綠
水跳出狼虎叢中不入麒麟畫裏想爵祿高性命危
一個個捨死忘生爭宣競勅紫花兒序您都待重裊
而卧列鼎而食不如我拂袖而歸急流中勇退見賢
思齊當日個甯武子左丘明我仲尼邦有道則仕邦
無道則廢齊魏裏使煞個孫龐殷商中餓殺了夷齊

后四

二

鬼三臺看了些英雄休爭閒氣爲功名將命虧笑豫
讓嘆鉏麀待圖個甚的論功名勝似燕樂毅論才學
不如晉李儀常言道才廣妨身官高害己聖藥王我
如今近七十恰才得方知老而不死是爲賊指鹿做
馬喚鳳做雞葫蘆今後大家提想誰那辨個是和非
調笑令爲甚每日醉如泥除睡人間揔不知戒之在
得因何意老不必爭名奪利黃金塚到北斗齊也跳
不出是處輪迴聖藥王尺緊的烏緊飛免緊催暫時
相賞莫相違菊滿籬酒滿杯當喫得席前花影坐間
移白髮故人稀尾想當日子房公會覓全身計一個

識藏弓便抽頭的范蠡歸山去的待看翠巍巍千丈
嶺頭雲歸湖的待看綠湛湛長江萬頃水

又元宵

聖主寬仁堯民盡喜一統華夷諸邦進禮雨順風調
時豐歲麗元夜值風景奇鬧穰穰的趑鼓喧天明晃
晃金蓮遍地 紫花兒序 香馥馥綺羅還往密市匝車
馬喧闐光灼灼燈月交輝滿街上王孫公子相攜看
越女吳姬倘宜鳳燭高張照珠履果然豪貴只疑是
洞府神仙閒遊在閨苑瑤池 小桃紅歸來梅影小窗
移蘭麝香風細翠袖瓊簪兩行立捧金杯絳綃樓上

后四

三

笙歌沸冰輪表裏通宵不寐是愛月夜眠遲 金花葉
揀沈醉頻斟綠蟻恣賞翫朱簾挂起歌舞動歡聲笑
喜一任銅壺漏滴尾須將酩酊酬佳致樂意開懷慶
喜但愿歲賞歲元宵則這的是人生落得的

王伯成

酒力禁持詩魔喚起紫燕喧黃鶯啞啞紅杏香中
綠楊影裏麗日遲節序催柳線搖金桃花泛水 紫花
兒序 香馥馥花開滿路碧粼、水遠孤村綠茸茸芳
草煙迷楊鞭指處堪畫堪題更那堪竹塢人家傍小
溪采繩高繫春色飄零花事狼藉 小桃紅一簾紅雨

落花飛醞釀蜂兒蜜跨蹇攜壺醒還醉草萋萋融融
沙暖鴛鴦睡韶光景美和風暖日惹起杜鵑啼禿廝
兒凝眸處黃鶯子規動情的綠暗紅稀鶯慵燕懶蝶
倦飛冷落了芳菲春歸聖藥王醉似泥僕從隨見小
橋流水隔花溪柳岸西近古堤數枝紅杏出疎籬墻
外舞青旗尾四圍錦繡繁華地車馬喧天鬧起看了
這紅紫翠鄉中堪寫在丹青畫圖裏

又

綠柳凋殘黃花放徹塞鴈聲悲寒蛩韻切舊恨千般
新愁萬疊正美滿忍問別雨歇雲收花殘月缺紫花

后四

四

兒序摘楞的瑤琴絃斷不通的井墜銀瓶吉丁的碧
玉簪折音書難寄去路遙賒傷嗟目斷雲山千萬疊
最苦是離別駕被空舒鳳枕虛設金蕉葉那的是情
牽意惹那的是腸荒腹熱怕的是紗窗外風飄敗葉
又聽的鐵馬丁當韻切調笑令把眉峯暗結最苦是
離別不煩惱除非心似鐵冷冷清清捱落西樓月又聽
得戍樓上畫角鳴噎奏梅花數聲砧韻切業心腸越
不寧貼禿廝兒正歡悅誰知間別才美滿又早離別
俺兩個雲期雨約難棄捨似團圓一輪月被雲遮聖
藥王好教我愁萬結恨萬疊滿懷愁悶對誰說成間

別時運拙氣長吁多似篆煙斜和絳蠟也啼血鬼三
臺也是我前生業今世裏填還徹一寸柔腸千萬結
想啼痕一點點盡成血越教人哽噎本待要寧寧貼
貼剛睡些怎禁那啾啾唧唧蛩韻切覺來時寶鼎煙
消銅壺漏絕紫花兒序驚好夢幾聲兒寒雁伴人愁
的一點孤燈照離情半窗殘月臨期執手不忍分別
只待穩步蟾宮將仙桂折到如今暮秋時節他只待
金榜名標那裏問玉簫聲絕尾受恓惶甚識分明夜
把捱過的淒涼記者來時節一句句向枕頭兒上言
一星星向被窩兒裏說

后四

五

又

半世飄蓬閒茶浪酒十載追陪狂朋怪友倚翠偎紅
眠花卧柳怪膽兒惺忪耍性兒柔成合了心廝受夫
妻情廝當配偶紫花兒序受用春風謝館曉日章臺
夜月秦樓向紅裙中掃手錦被裏舒頭風流不許傍
人下釣鉤燕侶鶯儔百足酬歌紅錦纏頭金花葉寨
兒裏相知是有一見咱望風舉手若論着點砌排科
慣熟敢教那罷剪鬚姨夫閉口調笑令聲名兒歲久
急難收則恐怕伏侍冤家不到頭風月脚到處須成
就試不曾落人機勾般的它然香剪髮百事有虛冷

氣使盡剛柔 禿廝兒愛楊柳樓心殢酒喜芙蓉帳裏
藏鬪美孜孜翠鬟排左右歌白雪捧金甌溫柔 聖藥
王春事休夏當遊向芰荷香裏泛蘭舟到中秋月色
幽醉醺醺無月不登樓兀刺底多少風雨替花愁尾
花陰柳影霎時馳驟急回首三旬左右罷却愛月惜
花心閒着題詩畫眉手

又

媚媚姿姿淹淹潤潤孃孃婷婷風韻韻臉觀朝霞
指如嫩笋一搵腰六幅裙萬種妖嬈千般可人 紫花
兒序曲彎彎蛾眉掃黛慢鬆鬆鳳髻高盤高聳聳蟬

后四

六

髻堆雲一團兒嬌婉百倍兒精神超群越女吳姬怎
生觀席上殷勤百媚龐兒端的一笑風生 禿廝兒瘦
怯怯金蓮窄穩嬌滴滴皓齒朱唇肌如美玉無玷損
但見了摠消魂絕倫 聖藥王酒半醺更漏分畫堂銀
燭照黃昏枕上恩被底親丁香笑吐蘭麝噴燈下看
佳人尾好因緣休到別離恨只恐怕兩下裏魂牽夢
引我羅衫不兒寬你唐裙帶兒儘

又

雪艷霜姿香肌玉軟杏臉紅嬌桃腮粉淺金鳳斜簪
雲鬟半偏插玉梳貼翠鈿舞態輕盈歌喉宛轉 紫花

兒序它有蕪卿般才貌我學雙漸真誠望博個美滿
因緣伴優體樣樂府梨園天然不若如桃源洞裏仙
可愛堪憐一搦腰肢半折金蓮小桃紅初出蘭堂立
尊前似月裏嫦娥現一撮精神勝飛燕止當年柳眉
星眼芙蓉面絳衣縹緲麝蘭瓊樹花裏遇神仙天淨
沙初相逢恨惹情牽閒深裏都受熬煎各辨着真心
意堅着時得便赴佳期月底星前尾狠毒娘間阻得
難相見統鐔的姨夫戀纏我爲甚着探腳兒勤只恐
怕離別路兒遠

又

后四

七

雨意雲情十朝五朝霜艷天姿千嬌萬嬌鳳髻濃梳
蛾眉淡掃櫻桃口楊柳腰玉笋纖纖金蓮小小紫花
兒序歌驪珠一串舞瑞雪千迴無福也難消超羣旖
旎出格妖嬈風流一笑千金價不高世間絕妙特意
厚情深引得個人夢斷魂勞秃廝兒鬪兒中眉尖眼
角寨兒中口強心喬謝瓊姬不嫌王子喬同跨鳳宴
蟠桃吹簫尾不隄防側脚裏姨夫每鬧全在你個有
終始冤家不錯我身上但留心偷方便應付了

又

玉笛愁聞粧奩倦開髻驪烏雲眉頻翠黛慵轉歌喉

羞番舞態悶填曾泪滿腮常記得錦字偷傳香囊暗
解小桃紅倚闌無語憶多才往事今何在玉體厭厭
爲誰害瘦形骸今春更比前春賽雕闌玉砌綠窗朱
戶深院鎖蒼苔醉中天拋却香羅帶慵整短金釵無
語無言悶荅孩不厭倦衫兒窄幾度將龜兒卦買何
日佳期再天淨沙也是咱運拙時乖致令得雨杳雲
埋側脚裏相知不該胡喧亂講紙糊锹怎擬得倒陽
臺尾把一片偷香竊玉心寧耐暗氣吞聲慢捱怕甚
風月悶愁鄉煙波是非海

后四

八

越調 梅花引

蘭蕊檀心仙袂香蝶粉蜂黃宮樣粧紫雲娘綵衣郎東
君配偶天然是一雙紫花兒序丹青模樣冰雪肌膚
錦繡心腸驚魂未定好事多妨堪傷不做美相知每
早使伎倆左右攔障笑裏藏刀雪上加霜么日沉西
浦月轉南樓花暗東牆儘教人妬誰敢聲揚參詳但
得伊家好覷當問甚淒涼苦樂同受生死難忘禿廝
兒分破金釵鳳皇拆開繡帶鴛鴦離懷擾擾愁悶廣
不由俺到黃昏思量尾近來陡恁無情况自寫你個

勞成不良三兩遍問佳期一千般到說謊

黃鍾醉花陰

白無咎

獨倚屏山把玉山撼並鴛枕將歸期竹徹一自玉人
別瘦骨岩巖趲過裙腰摺出隊子粉香一捻不思量
難棄捨語憐檀口口咨嗟情怨芳心心哽噎愁壓蛾
眉眉暗結么秦歡晉愛成吳越料今生緣分拙四時
飲膳強捱些千種恩情有間隔海樣相思無處說神
杖兒煞菱花半缺合歡帶絕楚岫雲迷藍橋月缺銀

后四

九

瓶沈墜瓊簪碎折錦箏應折絃難接驂鸞夢寧貼脩
鴛簡更悲切紫硯飛香墨浮蘭麝蘸秋毫撇代喉舌
訴離情粉箋和泪寫

陳子厚

寶釧惚金髻雲顰甚試曾濃梳艷褱寬繡帶掩香羅
鬼病厭厭除見它家可出隊子傷心無奈遣離人愁
悶多見銀臺絳蠟盡消磨玉鼎無煙香燼水燭滅香
消怎奈何情郎去后添寂寞期佳期無始末這雙
業眼斂秋波兩葉愁眉蹙翠蛾泪滴臙脂添玉顆尾
着我倒枕搥牀怎生卧到二三更煖不溫和連這沒

人情的被窩兒奚落我

中呂粉蝶兒

男子當途受皇恩穩食天祿憑着濟世才列郡分符
事君忠于親孝下安黎庶駟馬高車正清朝太平時
世醉春風取一個駕帳鳳幃人一個霧鬢雲鬟女退
時開宴后堂中此心是足足一個吳越妖嬈一個
幽燕佳麗都有那可人情緒迎仙客一個帶玉釵一
個插犀梳天然一雙美艷姝一個是曉鶯啼一個是
雛鳳語一個生長在皇都一個妾本錢塘住紅繡鞋

后四

十

一個看白草風吹北固一個賞紅蓮煙水西湖眼落
處逢場取歡娛向南來乘著畫舸投北去載着香車
同居深院宇石榴花停頭的和順做妻夫則要你休
爭競廝賓伏兩間羅幙碧紗幘收拾着睡處准備活
路尊前席上同完聚醉時節左右相扶宴闌時各自
歸房去同歡慶不偏辜鬪蝦蟆一個到月白三更一
個在清清如酒蒸金貌靜燒畫燭權夜起披衣廝應
付怎肯教有共無都做了惜玉憐香尤雲殢雨普天
樂共衾裯同裊褥輕偎柳腰欵觀曾酥皆孌娜情和
睦一個夜靜羅幃山盟處一個日三竿曉鏡粧梳一

個引丫鬟使數一個將梅香小玉都羅綺金珠耍孩
兒桃腮杏臉嬌人物五百年姻緣眷屬一個入時顏
色動京師一個繁華南國嬌妹一個道杜鵑聲裏奴
宅舍一個道朝馬塵中妾祖居彼各誇鄉故一個道
翫日華五雲樓觀一個道看潮鳴八月江湖四煞一
個啓櫻唇香點勻一個掃蛾眉翠黛舒漢宮粧淡洒
薔薇露一個紅弔襖繡履十分瘦一個錦鞦襪鈎四
寸餘同觀覷一個冠兒上剩鋪廣翠一個頭袖上多
綴珍珠三煞仙衣觀剪裁綺羅新製出一個繡援藍
衫子拖它綠一個白羅帕兜映遮塵笠一個烏雲髻

后四

十一

斜簪壓鬢梳一個赴筵會嬌乘翠輦一個隨人情穩
坐肩輿二煞一個要白熟餅爛煮羊一個要炊香秔
辣爨魚同茶同飯同尊俎醉來時枕遍黃金串情極
處親偎白玉膚相憐處到夏裏洒掃淨涼亭水閣到
冬來安排着煖閣紅爐一煞一個休尋常看待妾一
個莫等閒拋調奴把凭似玉天仙手掌擊心肝般戲
一個演習那漸間言語呼郎婿一個撇着些都下鄉
音喚丈夫休相妬你莫琴書上意懶你休針線上清
疎尾一般兒難主張兩下裏自暗忖五花誥使不得
人情與看那一個嬌羞做得主

王仲誠

昨宴東樓玳筵開舞裙歌袖一團兒玉軟花柔過行
雲回飛雪玲瓏剔透交錯觥籌撚冰丸暗藏錦繡醉
春風嬌滴滴香臉嫩如花細鬆纖腰輕似柳有丹
青巧筆寫奇真怎的朽、檀口能歌蓮舌輕調柳眉
頻皺迎仙客露玉纖捧金甌雲髻巧簪金鳳頭蕩湘
裙掩玉鈎百倍風流無福也難消受滿庭芳人間罕
有沉魚落雁月閉花羞蕙蘭性一點靈犀透舉止溫
柔成合了鸞交鳳友匹配了燕侶鸞儔輕擱就如彈
玉纖粉汗流佯呵欠袖兒裏低聲兒况一會家把人

后四

十二

逸逗撇不下漾秋波一對動情眸

孫叔順

海馬閒騎則爲瘦人參請他醫治背藥包的劉寄奴
跟隨一脚的陌門東來到這乾閣內飛簾簸地能醫
其鄉婦沉疾因此上共賓郎結成歡會醉春風說遠
志訴蓮心靠肌酥偎玉休食膏梁五味卧重裯陽起
是你受用它笑吐丁香軟柔鍾乳到有些五靈之
氣迎仙客行過芍藥圃菊花籬沈香亭色情何太急
停立在曲檻邊從容在芳徑裏待黃昏不想當歸尚
有百部徘徊意紅繡鞋半夏遐蛇床上同睡芡花邊

似燕子雙飛則道洞房風月少人知不想被紅娘先
蹴破使君子受凌遲便有它白頭公難救你要孩兒
木賊般合解到當官跪刀筆吏焉能放你便將白紙
取招伏選剝了裨布無衣華澄茄拷打得青皮腫玄
胡索拴縛得狗脊低你便穿山甲應何濟議論得罪
名管仲畢撥得文案無疑三煞他做官司的剖決明
告私情的能指實監囚在裏人心碎一個旱蓮腮空
滴白凡泪一個漏蘆腿難禁苦仗笞吊疼痛添憔悴
問甚麼干連你父子可惜教帶累它烏梅二煞意濃
甜有苦參事多凶大戟今日個身遭縲紲猶道是心

后四

十三

甘遂清廉家却有這糊突事時羅姐難爲官宜妻浪
蕩子合當廢破故紙揩不了腥臭寒水石洗不盡身
肌一煞向雨餘涼夜中對天南星月底說合成織女
牽牛會指望常山遠水恩情久不想這剪艸除根中
憤低那一個畫不成青黛蛾眉尾罵你個辱先靈的
蔣太醫我看你乍回鄉歸故里蔓荆子續斷了通姦
罪則被那散杏了的康瘤兒笑殺你

馬東籬

寰海清夷扇祥風太平朝世贊堯仁洪福天齊樂時
豐逢歲稔天開祥瑞萬世皇基股肱良廟堂之器迎

仙客壽星捧玉杯王母下瑤池樂聲齊衆仙來慶喜
六合清八輔美九五龍飛四海昇平日喜春來鳳皇
池暖風光麗日月袍新扇影低雕闌玉砌采雲飛才
萬里錦繡族華夷滿庭芳皇封酒美簾開紫霧香噴
金貌望楓宸八拜丹墀內袞龍衣垂拱無爲龍蛇動
旌旗影裏燕雀高宮殿風微道德天地堯天舜日看
文武兩班齊尾祝吾皇萬萬年鎮家邦萬萬里八方
齊賀當今帝穩坐盤龍亢金椅

雙調 夜行船

后四

十四

馬東籬

酒病花愁何日徹劣冤家省可里隨斜見氣順的心
疼脾和的眼熱休沒前程外人行言說么但有半米
兒虧伊夫覷者圖個甚意斷恩絕你既不棄舊憐新
休想我等閒心起合受這場拋撇鴛鴦煞據它有魂
靈宜賽多情社俺心合受這相思業牽惹情懷愁恨
千疊唱道但得半米兒有擔擎底九千紙交天赦怕
有半米兒心別教不出的房門化做血

雙調 喬牌兒

世情推物理人生貴適意想人間造物擬興廢吉藏
凶凶暗吉夜行船富貴那能長富貴日盈昃月滿虧
蝕地下東南天高西北天地尚無完體慶宣和到
天明走到黑緊的是衣食鳧短鶴長不能齊且休題
誰是非錦上花展放愁眉休爭閒氣今日容顏老如
昨日古往今來恁須盡知賢的愚的貧的和富的么
到頭這一身難逃那一日受用了一朝一朝便宜百
歲光陰七十者稀急急流年滔滔逝水清江引落花
滿院春又歸晚景成何濟車塵馬足中蟻穴蜂衙內

后四

十五

尋取個穩便處坐閒地碧玉簫烏兔相催日月走東
西人生別離白髮故人稀不停閒歲月疾光陰似駒
過隙君莫癡休爭名利幸有幾杯且不如花前醉歌
拍煞恁則待閒熬煎閒煩惱閒縈繫閒追歡閒落魄
閒遊戲金鷄觸禍機得時間早棄迷途繁華重念簫
韶歇急流勇退尋歸計采蕨薇洗是非夷齊等巢由
輩這兩個誰人似得松菊晋陶潛江湖越范蠡

陽春白雪卷之四

陽春白雪卷之五

雙調 風入松

呂止軒

半生花柳稍曾耽，風月暢尅付能巴。到藍橋驛不
隄防，煙水裏滄海追想，盟山誓海，幾度淚濕青衫。喬牌
兒再不將風月參勾，斷欠余濫偶，因那日相逢處，兩
情牽他共俺。新水令巧盤雲髻，插裙簪穿一套素衣。

后五

一

恁般甜淡，他說得話兒巖合，下手脾和莫不是把人
賺攪箏琶。閒言探切，恐話交參，休道咱虛怕，伊不敢
豈怕外人知，只恐娘監離恨，悶愁兩下耽，獨自個羞
慘。離亭宴歌拍煞，做時節，彼各休心，厭做時節，休把
人坑陷，常歡喜，星前月下，休等閒，問面北眉南，既做
時休，志忑若意懶後，生便減我着片無參和，朴實
心博伊家，做怪膽。

又

翠樓紅袖，倒金壺春色，滿皇都。夜闌剗地燒銀燭，那其
間多少歡娛，薄利虛名，間阻俏風格，以此消疎。喬牌

兒這番本實虛不合惹題目俊禽着網惜翎羽忍不
住自暗忖天仙子棘裏泥難配撲天鵠饒眼痴心看
之不足猛可里見姨夫敗壞風俗好花怎教他做主
不辨賢愚離亭宴煞錦箋空寫多情句枉可惜口談
珠玉假做蘓卿伴侶被馮魁已早圖謀使盡心才得
悟則不如將取李蘭便數咱看上臉兒甜止不過鈔
兒苦

又詠金蓮

顏色天然風韻佳據精神閉月羞花膩粉粧施勻罷
風流處那些兒堪畫步步嬌微露金蓮唐裙下端的

后五

二

是些兒大剛半折若舞霓裳將翠盤踏若是覷絕他
不讓楊妃襪沈醉東風那步輕輕慢撒移蹤款款微
踏或是到晚夕臨牀榻擁鮫綃枕邊燈下那的是冤
家痛緊恰脫了鞋兒纏咱撥不斷爲冤家恨咱家三
兜根用意收拾煞纏得上十分緊恰怕惚時重套上
吳綾襪從纏上幾時撇下離亭宴煞比如常向心頭
挂爭如移上雙肩角問得冤家既肯須當手內親拏
或是脫膊上擎或是肩兒上架高點銀缸看咱啞弄
着徹心兒歡高蹺着盡情兒耍

雙調新水令

不知名

大明開放九重天拜紫宸玉樓金殿紅搖銀燭影香
裊御爐烟奏鳳管冰絃唱大曲梨園列文武官員降
玉府神仙齊賀太平年慶東原遐奉使傳丹詔賑餓
貧審滯冤黜貪邪訪民瘼巡行遍陛下恩極四邊岸
開方年和應三元選人物治朝綱取進士登科選雁
兒落得勝令 朝廷德化宣臺察清風憲都堂有政聲
樞府無征戰四海永安然諸邦盡朝獻武將每黃閣
麒麟上宰相每青霄日月邊仰洪福齊天無東面征
西夷怨君賢臣賢慶吾 皇泰定年鴛鴦煞萬萬載

后五

三

戶口增田疇闢民歸善民歸善省刑罰薄稅斂差徭免
差徭免日月同明日月同明嵩岳齊肩唱道唱道虎
據中原虎據中原龍飛九天龍飛九天雨順風調合
天意隨人願隨人願照百二山川照百二山川一點
金星瑞雲裡現

關漢卿

楚臺雲雨會巫峽赴昨宵約來的期話樓頭栖燕子
庭院已聞鴉料想它家收針指晚粧罷喬牌兒歎將花
徑踏獨立在紗窓下顫欽欽把不定心頭怕不敢將
小名呼咱則索等侯它雁兒落怕別人照見咱掩映

在醅釀架等多時不見來則索獨立在花陰下桂
蒼釣等侯多時不見它這的是約下佳期話莫不是貪
睡人兒忘了那伏塚在藍橋下意懊惱却待將它罵
聽得呀的門開驀見如花豆葉黃髻挽烏雲蟬鬢堆
鴉粉膩酥曾臉襯紅霞裊娜腰枝更喜恰堪講堪誇
比月裏嫦娥媚媚孜孜那更撐達七弟兄我這裡覓
他喚他哎女孩兒果然道色膽天來大懷兒裡摟抱
着俏冤家搵香腮悄語低低語梅花酒兩情濃興轉
佳地權爲床榻月高燒銀燭夜深沉人靜悄低低的
問如花終是個女兒家收江南好風吹綻牡丹花半

后五

四

合兒揉損絳裙紗冷丁丁舌尖上送香茶都不到半
霎森森一向遍身麻尾整烏雲欲把金蓮屣紐回身
再說些兒話你明夜個早些兒來我專聽着紗窗外
芭蕉葉兒上打

又

閑爭奪鼎沸了麗春園欠排場不堪久戀時間相敬
愛端的怎團圓白沒事交人笑惹人怨駐馬聽錦陣
裡爭先緊捲旗旛不再展花營中挑戰勞拴意馬與
心猿降書執寫納君前唇鎗舌劍難施展參破脫空
禪早抽頭索甚他人勸喬牌兒都將咱冷句啗心兒

裡豈不嫌屯門塞戶行剛劍紙糊鍬怎地展天仙子
從今後識破野狐涎紅粉無情災星不現村酒醜野
花濃再不粘拈當時話兒無應顯好事天慳尾料應
也不得爲姻眷有了神前呪怨爲甚脚兒希尺緊得
陽臺路兒遠

又

攪閒風吹散楚臺雲天對付滿懷愁悶你那裡歡娛
嫌夜短俺寂寞恨更長恰似線斷風箏絕魚鴈杳音
信駐馬聽多緒多情病身軀憔悴損閒愁悶將柳
帶結同心瘦巖巖寬褪了絳綃裙羞答答恐怕它鄰

后五

五

姬問若道傷春今年更比年時甚沉醉東風蓮臉上
何曾傅粉鬢鬕鬆不整烏雲口兒啞心兒裏印捱一
宵勝似三春怕的是黃昏點上燈照見俺孤恁瘦影
么早是我愁懷悶哽更那堪四扇幃屏遣人愁添人
恨無端怨煞丹青畫得來雙、廝配定做得傷情對
景天仙子一扇兒畫着雙通叔和蘇氏到豫章城一
扇兒是司馬文君一扇兒是王魁桂英畫的來廝顧
盼廝溫存比各青春這一扇兒比他每情更深是君
瑞鶯鶯隨煞你團圓偏俺成孤另擁被和衣坐等聽
鼓打四更過搭伏定鴛鴦枕頭兒等

又

寨兒中風月煞經諳收心也合擱滄再不纏頭戴蜀
 錦沽酒典春衫心如柳絮粘泥狂風過怎搖撼喬牌
 兒這番天對勘非是俺愚濫相知每側脚里來轟減
 蓋因它酒半酣夜行船又引起往前風月膽今番做
 得魑魍且休說久遣當來奈何時暫這些時陡羞慘
 天仙子 咱非參壞怪鬪來攙怎肯扶廟火絕藍橋水
 滄難掩蓋撥風聲彼各俱耽怎只恁兩下裡阻隔情
 分減面北眉南離亭宴煞你休起風波剝斷魚舟纜
 得團圓摔破青銅鑑冤家行再三再三囑付勤相探

后五

六

常將好事貪却休交花星暗萬一問休將人倒賺眼
 剝了可憎才心疼煞志誠俺

又

鳳凰臺下憶吹簫似錢塘夢魂初覺花月約鳳鸞交
 半世疎狂揔做了一場懊駐馬聽黃詔奢豪桑木劍
 熬之古定刀雙郎窮薄紙糊鋏撮了點銅銀怕不待
 爭鋒取債戀多嬌又索書名畫字尋人保枉徒勞供
 錢買笑交人笑落梅風姨夫聞咱便燒君子不奪人
 之好它攬定磨杆兒誇悄推不動磨杆上自弔步步
 嬌積趲下三十兩通行鴉青鈔買取個大笠子粗麻

罩粧甚麼眼落處和它契丹交雖是下風騷不到得
着圈套甜水令 佳人有意郎君俏郎君沒鈔鶯花惱
如今等惜花人弄巧指不過美話兒排虛科兒套實
心兒老想着月下情星前約是則是花木瓜兒看好
李亞仙負心疾鄭元和下番早

蒲察善長

聽樓頭畫鼓打三更繡幃中枕餘衾剌明明朗窓前
月昏慘慘榻前燈我這裡獨倚定幃幙簷前鐵好難
聽駐馬聽 盼煞我也當當丁丁恰便似再出世陳搏
睡不成度一宵如同百歲捱一朝勝似三春金爐香燼

后五

七

酒初醒孤眠那怕心腸硬閒愁可慣經惟有相思最
是難熬的症喬牌兒 一回家睡不着獨自個寢非干
是咱薄倖沒來由簪折瓶沈井將鴛鴦兩下裏分雁
兒落 常想花前攜手行月下肩相並羅被番紅浪玉
腕相交定得勝令 擔不得翠彎眉黛遠山青紅馥、
桃臉褪朱唇細裊、楊柳腰肢瘦齊臻、青絲髻綰
雲天生下精神更那堪十指纖、嫩描不就丹青比
天仙少淨瓶川撥棹不由我泪盈盈聽長空孤雁聲
我與你暫出門庭聽我丁寧自別情人鴈兒我其實
捱不過衾寒枕冷相思病積漸成七弟兄 雁兒你却

是怎生暫停聽我訴離情一封書與你牢拴定快疾
忙飛過蓼花汀那人家寢睡長門靜梅花酒鴈兒呀
呀的叫幾聲驚起那人聽說着咱名姓他自有人相
迎從別後不見影閃得人亡了冤靈羅幃中愁怎禁
則爲它掛心情朝忘淪泪如傾曲慵唱酒慵斟收江南
鴈兒可憐見今宵獨自個冷冷清清你與我疾回疾轉
莫留停山遙水遠煞勞神鴈兒天道兒未明且休要
等閒尋倦宿沙汀尾你是必休倦雲淡風力緊我這
里想誰醫治相思病傳示我可意情人休辜負海誓
山盟唱道性命也似看承心脾般欽敬唯辦你鵬程

后五

八

我這里獨守銀缸慢慢的等

又代馬訴冤

世無伯樂怨它誰乾送了挽鹽車騏驥空懷伏櫪心徒
負化龍威索甚傷悲用之行捨之棄駐馬聽玉鬣銀
蹄再誰想三月咸陽綠草齊雕鞍金轡再誰收一鞭
行色夕陽低花間不聽紫騮嘶帳前空歎烏錐逝命
乖我自知眼見的千金駿骨無人貴雁兒落誰知我
汗血功誰想我垂韁義誰憐我千里才誰識我千鈞
力得勝令誰念我當日跳檀溪救先主出重圍誰念
我單刀會隨着關羽誰念我美良川扶持敬德若論

着今日索輸與這驢群隊果必有征敵這驢每怎用的甜水令爲這等乍富兒曹無知小輩一槩地把人欺一地里快躡輕踎亂走胡奔緊先行不識尊卑折桂令致令得官府聞知驗數目存留分官品高低准備着竹杖芒鞋免不得奔走驅馳再不敢鞭駿騎向街頭鬧起則索扭蠻腰將足下殃及爲此輩無知將我連累把我埋沒在蓬蒿失陷汙泥尾有一等逞雄心屠戶貪微利嚙饞涎豪客思佳味一地把性命虧圖百般地將刑法陵持唱道任意欺公全無道理從今去誰買誰騎眼見得無客販無人喂便休說站赤

后五

九

難爲則怕你東討西征那時節悔

雙調 醉春風

貫酸齋

羞畫遠山眉不收官樣粧平白地招攬這場愁枉了那舊日恩情舊時風月直恁麼改模奪樣間金四塊玉冤家早是没膽量遭逢着狠毒爹娘赤緊地家私十分快生紐做山遙水長減字木蘭花早是愁懷百倍傷那更值秋光逐朝倚定門兒望怯黃昏怕的是塞角韻悠揚高過金盞兒入蘭堂斷人腸塞鴻相和

蛩吟響燒殘沉麝滅了銀釭却欲待剛睡些隔紗窗
涼月兒轉迴廊賣花聲煞簌朱簾猛然離了繡幌攜
手相將入洞房欲訴相思曉雞唱好夢驚回泪萬行
都滴在枕頭兒上

黃鍾侍香金童

關漢卿

春閨院宇柳絮飄香雪簾幙輕寒雨乍歇東風落花
迷粉蝶芍藥初開海棠才謝么柔腸脈、新愁千萬疊
偶記年前人怎別秦臺玉簫聲斷絕雁底關河馬頭

后五

十

明月降黃龍袞鱗鴻無個錦箋寫腕鬆金肌削玉
羅衣寬徹泪痕淹破胭脂雙頰寶鑑愁臨翠鈿羞貼
么等閒辜負好天良夜玉爐中銀臺上香消燭滅鳳
幃冷落鴛衾虛設玉笋頻搓繡鞋重擲出隊子聽子
規啼血又西樓角韻咽半簾花影自橫斜畫簷間了
當風弄鐵紗窗外琅玕敲瘦節么銅壺玉漏催淒切
正更闌人靜也金閨瀟灑轉傷嗟蓮步輕移呼侍妾
把香卓兒安排打快些神仗兒煞深沉院舍蟾花皎
潔整頓了霓裳把名香謹薰伽伽拜罷頻頻禱祝不
求富貴豪華只願得夫妻每早早圓備者

黃鍾 願成雙

香共蕪誓共說美因緣永不離別爲功名兩字赴長
安阻隔煙水雲山萬疊么辜恩一去成拋撇它無情
俺到心呆悔當時恨不鎖雕鞍撲倒得人香肌褪雪
出隊子柔腸千結算今番愁又別長吁短歎不寧貼
泪眼愁眉怎打疊若見他家親自說么玉簪折怎得
鸞膠接見無由成問別你不來人道你心斜我先死
天教我業徹欲寄平安怎地寫尾若把我雙郎見時
節向三婆行訴不盡喉舌則道是思量得小卿成病

后五

十一

也

又

鴛鴦對鸞鳳鳴恰尋着美滿前程團香惜玉好恩情
忽變做了充饑畫餅么吉丁的分破菱花鏡撲菱的
井墜銀瓶指山賣磨愛錢精送得我離鄉背井 出隊
子佳人薄倖没福消雙縣令老娘無賴放過書生秀
士多魔遇者柳青妾守馮奎似胥下癭么到如今剗
地無形影教奴家愁越增半江秋影月偏明滿腹愁
煩心自哽一雁哀鳴水雲冷尾傳示你個雙生莫僂
倖休埋怨這不得已蘇卿先向豫章城下等

又

好病弱似醉酣鬢鬆髻髻金簪錦衣寬褪瘦巖崑
殘粉淚香消玉減么恨東君不管人情似綻芳叢纈
錦爭攬舊遊園圃見停驂思往事離愁越感出隊子
慵臨鸞鑑瘦容顏影自慘鄰姬問我似癡憨欲語無
言心自慘似恁熬煎可慣耽么看時節夢兒裡將人
賺悶得奴恨不甘山盟海誓我心貪負德辜恩它意
敗悔恨當初我自攬尾留戀你個三婆等時暫則這
幾行書和泪封緘寫着道意不過呵肯來看探俺

后五

十二

陽春白雪卷之五